

四庫全書

史部

欽定四庫全書

史部

資治通鑑卷一百四十六

詳校官修撰臣錢 棨

洗馬臣王坦修覆臣勤

總校官知縣臣楊懋珩

校對官中書臣葉 蘭

謄錄監生臣馮 蓋

欽定四庫全書

資治通鑑卷一百四十六

宋 司馬光 撰

胡三省 音註

梁紀二 起荆蒙作盡盡疆
圍大洲厥凡三年

高祖武皇帝二

天監四年春正月癸卯朔詔曰二漢登賢莫非經術服

膺雅道名立行成 行下孟翻宋元晦曰服著也膺胃也
本持而著之心胃之間著則略翻

魏晉浮蕩儒教淪歇風節罔樹 樹立也歇
許竭翻 抑此之由可

置五經博士各一人廣開館宇招內後進於是以賀瑒

及平原明山賓吳興沈峻建平嚴植之補博士各主一

館館有數百生給其餼廩

瑒徒杏翻又音暢餼許既翻鄭玄曰餼廩稍食也稍所教

翻其射策通明者即除為吏

漢書音義曰作簡策難問列置案上在試者意投射

取而答之謂之射策其年之間懷經負笈者雲會瑒循之玄孫也

笈其劫翻又楚洽翻書箱也晉氏南渡之初以笈循為儒宗

又選學生往會稽雲門

山從何肩受業

肩時隱雲門山今在會稽南三十一里有雲門寺會工外翻

命肩選

門徒中經明行修者

行下孟翻

具以名聞分遣博士祭酒巡

州郡立學 初譙國夏侯遷以輔國將軍從裴叔業

鎮壽陽為南譙太守

景魏收地形志晉孝武置南譙郡蓋治渦陽又梁蕭子顯齊志武帝

永明二年割揚州宣城淮南南豫譙廬江臨江六郡置南豫州四年冠軍長史沈憲啟二豫分置以桑棵子亭為斷潁州汝陽在南譙歷陽界悉屬西豫廬江居晉熙汝陰之中屬南豫求以潁川汝陽屬南豫廬江屬西豫則齊之南譙蓋置於歷陽西界而渦陽已入於魏矣南

北建置郡縣最為難考者率如此夏戶雅翻守式又翻

與叔業有隙單騎奔魏魏以道遷為驍騎將軍

騎奇寄翻驍堅

翻從王肅鎮壽陽使道遷守合肥肅卒

卒子恤翻下同

道遷棄

戍來奔從梁秦二州刺史莊丘黑鎮南鄭以道遷為長

史領漢中太守黑卒詔以都官尚書王珍國為刺史未

至道遷陰與軍主考城江忱之等謀降魏

降戶江翻

先是魏

仇池鎮將楊靈珍叛魏來犇

事見一百四十一卷齊明帝建武四年先悉薦翻將

即亮翻朝廷以為征虜將軍假武都王助戍漢中有部曲

六百人道遷憚之上遣左右吳公之等使南鄭道遷遂

殺使者發兵擊靈珍父子斬之并使者首送於魏

使疏吏翻

白馬戍主尹天寶聞之引兵擊道遷敗其將龐樹

敗補邁翻

遂圍南鄭道遷求救於氐王楊紹先楊集起楊集義皆

不應集義弟集朗引兵救道遷擊天寶殺之魏以道遷

為平南將軍豫州刺史豐縣侯

考異曰梁帝紀天監三年二月魏陷梁州而

列傳皆無其事魏帝紀正始元年閏十二月癸卯朔蕭

行行梁州事夏侯道遷據漢中來降道遷傳具言其事

按長歷梁閏二月癸卯即天監四年正月朔也故置於此又以尚書邢巒為鎮西將

軍都督征梁漢諸軍事將兵赴之道遷受平南辭豫州

辭豫州者欲得梁州也且求公爵魏主不許辛亥上祀南郊大

赦乙丑魏以驃騎大將軍高陽王雍為司空驃匹妙

翻寄加尚書令廣陽王嘉儀同三司二月丙子魏以宕

昌世子梁彌博為宕昌王

宕徒浪翻

上謀伐魏壬午遣衛

尉卿楊公則將宿衛兵塞洛口

自漢以來衛尉與太常太僕廷尉大鴻臚宗正

大司農少府為九卿而職名未帶卿字至梁分十二寺始各帶卿字水經注洛澗北逕秦虛下注淮謂之洛口

塞志則翻

壬辰交州刺史李凱據州反長史李昶討平之

昶初力翻

魏邢巒至漢中擊諸城戍所向摧破晉壽太守

王景胤據石亭

水經注漢水自武興城北西南流逕關城北又西逕石亭戍又逕晉壽城西

巒遣統軍李義珍擊走之魏以巒為梁秦二州刺史巴

西太守龐景民據郡不下

龐皮江翻

郡民嚴玄思聚眾自稱

巴州刺史附於魏攻景民斬之楊集起集義聞魏克漢

中而懼閏月帥羣氏叛魏斷漢中糧道

帥讀曰率
斷丁管翻

巒屢

遣軍擊破之夏四月丁巳以行宕昌王梁彌博為河

涼二州刺史宕昌王冠軍將軍孔陵等將兵二萬戍

深杭

冠古玩翻將即亮翻
王景胤孔陵寇東西晉

壽並遣告急按魏邢巒傳
考異曰梁鄧元起傳魏將

曰蕭衍晉壽太守王景胤據石亭又曰蕭衍遣其將
軍孔陵等據深杭然則景胤陵皆梁將也元起傳誤魯

方達戍南安

五代志始州普安縣舊
曰南安始州唐之劍州

任僧褒等戍石同

以拒魏

任音
壬

邢巒遣統軍王足將兵擊之所至皆捷遂

入劍閣陵等退保梓潼足又進擊破之梁州十四郡地

東西七百里南北千里皆入于魏

蕭子顯齊志梁州注籍者二十二郡荒郡

不預馬今魏取十四郡

初益州刺史鄧元起以母老乞歸詔徵為

右衛將軍以西昌侯淵藻代之淵藻懿之子也

懿死于東昏之

手夏侯道遷之叛也尹天寶馳使報元起

使疏吏翻

及魏寇

晉壽王景胤等並遣告急衆勸元起急救之元起曰朝

廷萬里軍不猝至若寇賊侵淫

侵淫以癰疽為喻侵毒好肉為淫肉

方須

撲討董督之任非我而誰何事忽忽救之

史言鄧元起乞歸非由衰

之請撲
普木翻

詔假元起都督征討諸軍事救漢中而晉壽已

陷蕭淵藻將至元起營還裝糧儲器械取之無遺淵藻

入城恨之又求其良馬元起曰年少郎子何用馬為淵

藻恚因醉殺之

元起養寇自資而卒不免於死雖淵藻
以私忿殺之亦不為無罪也少詩照翻

恚於
避翻

元起麾下圍城哭且問故淵藻曰天子有詔衆乃

散遂誣以反上疑馬元起故吏廣漢羅研詣闕訟之上

曰果如我所量也使讓淵藻曰元起為汝報讐

謂協力
誅東昏

報其父讐也量音
良為于偽翻下同

汝為讐報讐忠孝之道如何乃貶淵

藻號為冠軍將軍

冠古玩翻考異曰梁書元起傳藻以糧儲無遺甚怨望之因表元起退

留不憂軍事收付州獄自縊死按若止以逗留表元起安敢擅收前刺史付獄殺之必誣以反也今從南史梁

書藻本以冠軍為益贈元起征西將軍謚曰忠侯

李延壽論曰元起勤乃胥附

毛萇曰幸下功惟闢土親上曰胥附

謂開梁益之土也勞之不圖禍機先陷冠軍之貶於罰已輕

梁之政刑於斯為失私戚之端自斯而啟年之不永

不亦宜乎

益州民焦僧護聚眾作亂蕭淵藻年未弱冠

人生二十曰弱冠冠

古玩

集僚佐議自擊之或陳不可淵藻大怒斬于階側

乃乘平肩輿巡行賊壘

平肩輿使人就捆肩之故曰平肩行下孟翻

賊弓亂

射天下如雨從者舉楯禦矢淵藻命去之

射而亦翻從才用翻去羌

呂翻由是人心大安擊僧護等皆平之 六月庚戌初立

孔子廟 豫州刺史王超宗

以五代志攷之此時梁置豫州於晉熙今安慶府懷

寧縣地 將兵圍魏小峴

峴戶典翻

丁卯魏揚州刺史薛真度遣

兼統軍李叔仁等擊之超宗兵大敗 冠軍將軍王景

胤李畎輔國將軍魯方達等與魏王足戰屢敗秋七月

足進逼涪城

吠姑泣翻
涪音浮

八月壬寅魏中山王英寇雍

州

雍於
用翻

庚戌秦梁二州刺史魯方達與魏王足統軍

紀洪雅盧祖遷戰敗方達等十五將皆死壬子王景胤

等又與祖遷戰敗景胤等二十四將皆死楊公則至

洛口與魏豫州長史石榮戰斬之甲寅將軍姜慶真與

魏戰於羊石不利

羊石蓋即陳伯之所屯之陽石也

公則退屯馬頭

雍州蠻沔東太守田青喜叛降魏

攻之北史青喜所據之地蓋在襄陽之東

竟陵之西
沔彌充翻

魏有芝生於太極殿之西序

殿廡曰序

魏主以

示侍中崔光光上表以為此莊子所謂氣蒸成菌者也

菌巨隕翻地簞也

柔脆之物生於墟落穢濕之地不當生於殿

堂高華之處今忽有之厥狀扶疎誠足異也夫野木生

朝野鳥入廟古人皆以為敗亡之象故太戊中宗懼災

修德殷道以昌

商王太戊之時亳有祥桑穀共生于朝一暮大拱太戊懼而修德祥桑枯死殿

道復興高宗祭成湯有飛雉升鼎耳而雉祖已曰惟先格王正厥事朝諸侯有天下猶運之於掌中宗當作高

宗朝直遙翻

所謂家利而怪先國興而妖豫者也

妖於遙翻今西

南二方兵革未息郊甸之內大旱踰時民勞物悴莫此

之甚

悴秦
醉翻

承天育民者所宜矜恤伏願陛下側躬聳意

惟新聖道節夜飲之樂養方富之年則魏祚可以永隆

皇壽等於山岳矣於是魏主好宴樂

樂音洛好
呼到翻

故光言

及之 九月己巳楊公則等與魏揚州刺史元嵩戰公

則敗績 冬十月丙午上大舉伐魏以揚州刺史臨川

王宏都督北討諸軍事尚書右僕射柳愜為副

愜徒
甘翻王

公以下各上國租及田穀以助軍

國租者封國所入之
租田穀者職田所入

之穀各上
時掌翻

宏軍于洛口

楊集起集義立楊紹先為帝

自皆稱王十一月戊辰朔魏遣光祿大夫楊椿將兵討

之

將即亮翻

魏王足圍涪城蜀人震恐益州城戍降魏者

什二三民自上名籍者五萬餘戶

上時掌翻下西上同

邢巒表於

魏主請乘勝進取蜀以為建康成都相去萬里陸行既

絕

自襄陽西行遵陸可以至蜀梁州既入于魏則陸路斷矣

惟資水路水軍西上非

周年不達益州外無軍援一可圖也頃經劉季連反鄧

元起攻圍

事見上卷元年二年

資儲空竭吏民無復固守之志二

可圖也蕭淵藻屨屨少年

復扶又翻屨渠云翻下裳也屨竭戰翻躄也少詩沼翻

未洽治務宿昔名將多見囚戮

治直吏翻將即亮翻下同

今之所任

皆左右少年三可圖也蜀之所恃唯在劍閣今既克南

安已奪其險據彼竟內

竟讀曰境

三分已一自南安向涪方

軌無礙前軍累敗後衆喪魄四可圖也

喪息浪翻

淵藻是蕭

行骨肉至親必無死理若克涪城淵藻安肯城中坐而

受困必將望風逃去若其出鬪庸蜀士卒驚怯弓矢寡

弱五可圖也

武王之伐紂也庸蜀八國皆從庸上庸之地蜀蜀郡之地

臣內省文吏

不習軍旅賴將士竭力頻有薄捷既克重阻

省悉景翻重直龍翻

重阻猶言
重險也

民心懷服瞻望涪益

時梓潼太守治涪城
益州刺史治成都

旦

夕可圖止以兵少糧匱未宜前出

少詩
洛翻

今若不取後圖

便難况益州殷實戶口十萬比壽春義陽其利三倍

魏
先

此已得壽春
義陽故云然

朝廷若欲進取時不可失若欲保境寧民

則臣居此無事乞歸侍養

養余
亮翻

魏主詔以平蜀之舉當

更聽後勅寇難未夷何得以養親為辭戀又表稱昔鄧

艾鍾會帥十八萬衆傾中國資儲僅能平蜀

事見七十
八卷魏元

帝景元四年難乃
旦翻帥讀曰率

所以然者鬪實力也况臣才非古人

何宜以二萬之衆而希平蜀所以敢者正以據得要險

士民慕義此往則易

易以政翻
下未易同

彼來則難任力而行理

有可克今王足已逼涪城脫得涪則益州乃成擒之物

但得之有早晚耳且梓潼已附民戶數萬

謂已上名籍之民也

朝

廷豈可不守又劍閣天險得而棄之良可惜矣

諸葛孔明相蜀

以大劍小劍有隘東之路故曰劍門以閣道三十里至險乃有閭尉姜維拒鍾會於此晉以其地入梓潼郡桓

溫入蜀於晉壽置劍閣縣屬梁州

臣誠知戰伐危事未易可為自軍度

劍閣以來鬚髮中白

中竹仲翻

日夜戰懼何可為心所以勉

強者

兩強其翻

既得此地而自退不守恐負陛下之爵祿故

也且臣之意算正欲先取涪城以漸而進若得涪城則

中分益州之地斷水陸之衝

魏已得劍閣進取成都涪當其衝梁兵由內水而上

救成都涪亦當其衝斷丁管翻

彼外無援軍孤城自守何能復持久哉

復扶又翻

臣今欲使軍軍相次聲勢連接先為萬全之計然

後圖功得之則大利不得則自全又巴西南鄭相距千

四百里去州迢遼

迢田聊翻遼徒計翻迢遼遠也

恒多擾動

恒戶登翻

昔在

南之日以其統綰勢難曾立巴州鎮靜夷獠

立巴州見一百三十

五卷齊高帝建元二年省巴州見
武帝永明二年僚魯皓翻下同
梁州藉利因而表罷

彼土民望嚴蒲何楊非唯一族雖率居山谷而豪右甚

多文學風流亦為不少但以去州既遠不獲仕進至於

州網無由厠迹

州之上佐是謂州網少詩治翻

是以鬱快多生異圖

於快

兩比道遷建義之始

比毗至翻

嚴玄思自號巴州刺史克城

以來仍使行事巴西廣袤千里戶餘四萬若於彼立州

鎮攝華獠

巴西之地華人與獠雜居故云華獠表音茂

則大帖民情

帖靜也安也伏

也從墊江已還不勞征伐自為國有

李雄譙縱取蜀東不能過墊江以將

秦兵力之盛取梁益如反掌墊江以東符秦不能有也
邢巒之圖蜀亦規墊江以西而已蓋地利足恃也我朝
自紹定失蜀彭大雅遂城渝為制府支持
西蜀且四十年渝古墊江之地也墊音疊魏主不從先

是魏主以王足行益州刺史

先悉薦翻

上遣天門太守張齊

將兵救益州未至

將即亮翻

魏主更以梁州軍司泰山羊祉

為益州刺史

更工衡翻

王足聞之不悅輒引兵還

還從宣翻又如字

遂不能定蜀久之足自魏來拜邢巒在梁州接豪右以
禮撫小民以惠州人悅之巒之克巴西也使軍主李仲
遷守之仲遷溺於酒色費散兵儲公事諮承無能見者

鬱忿之切齒仲遷懼謀叛城人斬其首以城來降

史言魏所

以不能定蜀降戶江翻

十二月庚申魏遣驃騎大將軍源懷討

武興氏邢巒等並受節度

驃匹妙翻騎奇寄翻

司徒尚書令謝

朏以母憂去職

朏數尾翻

是歲大穰

穰豐也詩豐年穰穰

米斛三十

錢

五年春正月丁卯朔魏于后生子昌大赦 楊集義圍

魏闕城

此即陽平闕城也

邢巒遣建武將軍傅豎眼討之

豎而庚翻

集義逆戰豎眼擊破之乘勝逐北壬申克武興執楊紹

先送洛陽楊集起楊集義亡走遂滅其國

晉惠帝元康六年氏王楊

茂搜始據仇池百頃其後浸盛盡有漢武都郡之地北

侵隴西天水南侵漢中拓跋既盛取武都仇池之地楊

氏僅據武興今魏既以為武興鎮又改為東益州

東益州領武興仇池盤頭廣長

廣業梓潼洛叢郡 乙亥以前司徒謝朏為中書監

司徒 朏 敦 尾 翻 冀州刺史桓和擊魏南青州不克

梁青冀 高祖太和二十二年改為南青州五代志沂州沂水縣

葛置南 魏秦州屠各王法智聚眾二千

屠直 於 翻 推秦州

主簿呂苟兒為主改元建明置百官攻逼州郡涇州民

陳瞻亦聚衆稱王改元聖明

魏置涇州治臨涇城領安定隴東新平趙平平涼平

源等郡

已邠楊集起兄弟相帥降魏

帥讀曰率降戶江翻

甲申

封皇子綱為晉安王 二月丙辰魏主詔王公以下直

言忠諫治書侍御史陽固上表

治直之翻上時掌翻

以為當今之

務宜親宗室勤庶政貴農桑賤工賈

賈音古

絕談虛窮微

之論簡桑門無用之費以救饑寒之苦時魏主委任高

肇疎薄宗室好桑門之法

好呼到翻

不親政事故固言及之

戊午魏遣右衛將軍元麗都督諸軍討呂苟兒麗小

新成之子也

小新成見一百二十九年
卷宋考武大明五年

乙丑徐州刺史歷

陽昌義之與魏平南將軍陳伯之戰於梁城

晉考武太元中僑立

梁郡於淮南壽春界故有梁城
其地在壽陽東北鍾離西南

義之敗績

將軍蕭昞

將兵擊魏徐州圍淮陽

角城在淮水之陽淮陽又在角
城北十八里治宿預梁後於角

城置淮陽
郡昞音丙

三月丙寅朔日有食之

已卯魏荊州刺

史趙怡平南將軍奚康生救淮陽

魏咸陽王禧之子

翼遇赦求葬其父

禧誅見一百四十四
卷齊和帝中興元年

屢泣請於魏主

魏主不許癸未翼與其弟昌暉來奔上以翼為咸陽王

翼以曄嫡母李妃之子也請以爵讓之上不許 輔國

將軍劉思效敗魏青州刺史元繫於膠水 魏收志光州長廣郡即墨

縣有膠水水經膠水出黔陬縣膠山北流過夷安縣東又東北過膠東縣城北百里注于海敗補邁翻

臨川王宏使記室吳興丘遲為書遺陳伯之曰 遺于李翻 尋

君去就之際非有他故直以不能內審諸已外受流言

沈迷猖獗以至於此 沈持林翻 主上屈法申恩吞舟是漏 漢懲

秦法之苛禁罔疏濶時稱為漏吞舟之魚 將軍松柏不翦親戚安居高臺未

傾愛妾尚在 松柏不翦謂不毀夷其先世墳墓也親戚安居謂其親戚在江南者皆不以叛黨連

坐安居自若也高臺未傾謂居第未嘗汙瀦池臺如故也愛妾尚在謂其婢妾猶守其家不沒於官及流落於他家也昔雍門子見孟嘗君吟曰高臺既已傾曲池既已平墳墓生荆棘收豎游其上孟嘗君亦如是乎孟嘗君為之喟然嘆息而將軍魚游於沸鼎之中鷺巢於飛幕之上

魚游釜中古人多有是言言將必至於焦爛左傳吳季札謂孫林父曰夫子之居此也猶燕之巢於幕上杜預

註曰言至危也不亦惑乎想早勵良圖自求多福庚寅伯之自

壽陽梁城擁衆八千來降伯之元年奔魏今復還降戶江翻魏人殺其

子虎牙詔復以伯之為西豫州刺史未之任復以為通

直散騎常侍不使之出當邊鎮恐其復叛也復扶又翻久之卒於家初魏

御史中尉甄琛

甄七人翻琛丑林翻

表稱周禮山林川澤有虞衡

之官為之屬禁蓋取之以時不使戕賊而已故雖置有

司實為民守之也

周禮山虞掌山林之政令物為之屬而為之守禁令萬民時斫材有期日

凡竊木者有刑罰林衡掌林麓之禁令而平其守以時計林麓而賞罰之川衡掌巡川澤之禁令而平其守以時舍其守犯禁者執而誅罰之澤虞掌國澤之政令為之屬禁使其地之人守其財物以時入于王府頒其餘于萬民為于偽

夫一家之長必惠養子孫

長知兩翻

天下之

君必惠養兆民未有為人父母而吝其醯醢富有羣生

而權其一物者也

權古岳翻

今縣官鄣護河東鹽池而收其

利是專奉口腹而不及四體也蓋天子富有四海何患

於貧乞弛鹽禁與民共之錄尚書事總尚書邢巒奏

彭總

城王總也音協

以為琛之所陳坐談則理高行之則事闕竊惟

古之善治民者必污隆隨時豐儉稱事

治直之翻稱尺證翻

役養

消息以成其性命若任其自生隨其飲啄乃是芻狗萬

物

老子曰天地不仁以萬物為芻狗註云天施地化不以仁恩天地生萬物視之如芻草狗畜任自然也

何以君為是故聖人斂山澤之貨以寬田疇之賦收關

市之稅以助什一之儲

此謂田疇什一之賦不足以供國用故斂山澤稅關市以助之

也取此與彼皆非為身

為于偽
翻下同

所謂資天地之產惠天

地之民也今鹽池之禁為日已久積而散之以濟軍國

非專為供大官之膳羞給後宮之服玩既利不在已則

彼我一也然自禁鹽以來有司多慢出納之間或不如

法是使細民嗟怨負販輕議此乃用之者無方非作之

者有失也一旦罷之恐乖本旨一行一改法若奕碁

左傳

曰奕者舉碁不定不勝其耦今此以喻一行一改無定法也

參論理要宜如舊式

此自

以上合載於一百四十
三卷齊東昏永明二年

魏主卒從琛議

琛議既行於景
明初年隨格於

景明四年今復罷鹽禁是夏四月乙未罷鹽池禁復收

卒從其議也卒子恤翻

鹽利

見上卷

庚戌魏以中山王英為征南將軍都督揚徐

二州諸軍事帥衆十餘萬以拒梁軍

帥讀曰率

指授諸節度

所至以便宜從事江州刺史王茂將兵數萬侵魏荊州

誘魏邊民及諸蠻更立宛州

將即亮翻誘音酉更魏荊州為宛州也更工衡翻宛

於元翻

遣其所署宛州刺史雷豹狼等襲取魏河南城

蕭子

顯齊志雍州有河南郡所領五縣惟棘陽為實土則河南郡當在南陽棘陽縣界五代志鄧州新野縣舊曰棘

陽魏遣平南將軍楊大眼都督諸軍擊茂辛酉茂戰敗

失亡二千餘人

考異曰大眼傳云俘讖七千有餘今從魏帝紀

大眼進攻河

南城茂逃還大眼追至漢水攻拔五城魏征虜將軍宇

文福寇司州俘千餘口而去五月辛未太子右衛率張

惠紹等侵魏徐州拔宿預執城主馬成龍

晉安帝立宿預縣屬淮陽

郡魏高祖以為南徐州治所

乙亥北徐州刺史昌義之拔梁城

南徐治京

口故以鍾離為北徐

豫州刺史章叡遣長史王超等攻小岷未拔

叡行圍柵

行下益翻

魏出數百人陳於門外

陳讀

曰陣叡欲擊之

諸將皆曰

將即亮翻下同

向者輕來未有戰備徐還授甲乃可

進耳叡曰不然魏城中二千餘人足以固守今無故出

人於外必其驍勇者也

驍堅堯翻

苟能挫之其城自拔衆猶

遲疑叡指其節曰朝廷授此非以為飾韋叡法不可犯

也遂進擊之士皆殊死戰魏兵敗走因急攻之中宿而

拔

中讀曰仲又竹使翻紀六月辛丑陷小峴戍

今考異曰魏帝從叡傳

遂至合肥先是

右軍司馬胡景略等攻合肥久未下

先悉薦翻

叡按山川夜

帥衆堰肥水頃之堰成水通舟艦繼至

帥讀曰率艦戶黯翻魏築

東西小城夾合肥叡先攻二城魏將楊靈胤帥衆五萬

奄至衆懼不敵請奏益兵獻笑曰賊至城下方求益兵將何所及且吾求益兵彼亦益兵兵貴用奇豈在衆也

遂擊靈盾破之獻使軍主王懷靜築城於岸以守堰魏攻拔之城二千餘人皆沒魏人乘勝至堤下兵勢甚盛

諸將欲退還藻湖或欲保三义

考異曰南史作三义今從梁書蓋藻湖之水

於此分三义故名退保於此利於入船故衆欲之

獻怒曰寧有此邪命取繳扇

麾幢樹之堤下示無動志

繳蘇旱翻又蘇

魏人來鑿堤

獻親與之爭魏兵卻因築壘於堤以自固獻起鬪艦高

與合肥城等四面臨之城中人皆哭守將杜元倫登城

督戰中弩死

將即亮翻中竹仲翻

辛巳城潰俘斬萬餘級獲牛羊

以萬數敵體素羸未嘗跨馬

羸倫為翻

每戰常乘板輿督厲

將士勇氣無敵晝接賓旅夜半起筭軍書張燈達曙撫

循其衆常如不及故投募之士爭歸之所至頓舍館宇

藩牆皆應準繩諸軍進至東陵

水經注廬江金蘭縣西北東陵鄉大蘇山灌水

之所出也攻之諸志無

有詔班師

班師之詔必在洛口師潰之後史因書敵

金蘭縣未知何世所置

去魏城既近

據姚思廉梁書時魏守甕城去東陵二十里

諸將恐其

追躡敵悉遣輜重居前身乘小輿殿後

重直用翻
殿丁練翻

魏人

服敵威名望之不敢逼全軍而還於是遷豫州治合肥

豫州自晉
熙還合肥

壬午魏遣尚書元遙南拒梁兵

癸未魏遣

征西將軍于勁節度秦隴諸軍

丁亥廬江太守聞喜

裴邃克魏羊石城庚寅又克霍丘城

水經注曹魏安豐
都尉治安豐津南

後以其故城立霍丘
里杜佑曰霍丘漢松滋縣地

霍丘縣今在壽春東百餘
考異曰梁裴邃傳云五

年征邵陽洲魏人為長橋以濟
艦會淮水暴漲邃乘艦徑造橋側魏眾驚潰邃乘勝追

擊大破之進克羊石霍丘城平小峴攻合肥魏帝紀辛
巳衍將陷合肥巳丑又陷羊石霍丘崇韋敵傳敵攻邵

陽洲方使遠乘艦焚橋事在克合肥後又梁帝紀辛巳
敵克合肥丁亥遠克羊石庚寅克霍丘今從之遠傳載
取二城在破郢
陽洲後誤也 六月庚子青冀二州刺史桓和克朐山

城朐音 乙巳魏安西將軍元麗擊王法智破之斬首

六千級 張惠紹與假徐州刺史宋黑水陸俱進趣彭

城圍高塚戍水經注彭城同孝山陰有楚元王冢高十
許丈廣百許步意者魏立戍於此乎趣七

喻魏武衛將軍奚康生將兵救之將即 丁未惠紹兵不

利黑戰死 太子統生五歲能遍誦五經庚戌始自禁

中出居東宮 丁巳魏以度支尚書邢巒都督東討諸

軍事

度徒洛翻

魏驃騎大將軍馮翊惠公源懷卒懷性寬

簡不喜煩碎

驃匹妙翻騎奇寄翻喜許記翻

常曰為貴人當舉綱維何

必事事詳細譬如為屋但外望高顯楹棟平正基壁完

牢足矣斧斤不平斲削不密非屋之病也 秋七月丙

寅桓和擊魏兗州拔固城

固城疑即抱犢固城也抱犢固在蘭陵界

呂苟

兒率衆十餘萬屯孤山圍逼秦州

此孤山當在上邽左右魏秦州治上邽領

天水略陽漢陽郡

元麗進擊大破之行秦州事李韶掩擊孤山

獲其父母妻子庚辰苟兒帥其徒詣麗降

帥讀曰率降戶江翻兼

太僕卿楊椿別討陳瞻瞻據險拒守諸將或請伏兵山

蹊斷其出入

斷丁管翻

待糧盡而攻之或欲斬木焚山然後

進討椿曰皆非計也自官軍之至所向輒克賊所以深

竄正避死耳今約勒諸軍勿更侵掠賊必謂我見險不

前待其無備然後奮擊可一舉平也乃止屯不進賊果

出抄掠椿復以馬畜餌之

抄楚交翻復扶又翻

不加討遂久之陰

簡精卒銜枚夜襲之斬瞻傳首秦涇二州皆平 戊子

徐州刺史王伯敖與魏中山王英戰於陰陵

陰陵縣漢屬九江郡

晉屬淮南郡梁北譙郡治陰陵城隋改北譙
郡為全椒縣屬江都郡唐全椒縣屬滁州 伯敖兵敗

失亡五千餘人已丑魏發定冀瀛相并肆六州十萬人

以益南行之兵亮相息上遣將軍角念將兵一萬屯蒙山

招納兗州之民降者甚衆魏收志南青州東安郡新泰縣東南有蒙山蓋蒙山即古

所謂東蒙也與固城孤山皆近魏兗州東界故梁連兵
據之以招兗州之民北史邢巒傳謂是時梁人侵軼徐

兗是矣角姓也姓苑漢有角 是時將軍蕭及屯固城桓
善叔將即亮翻降戶江翻

和屯孤山魏收志蘭陵郡蘭陵縣有孤山魏邢巒遣統軍樊

魯攻和別將元恒攻及恒戶統軍畢祖朽攻念壬寅魯

大破和於孤山恒拔固城祖朽擊念走之己酉魏詔平

南將軍安樂王詮督後發諸軍赴淮南詮長樂之子也

安樂王長樂見一百三十三卷宋蒼梧王元徽三年樂音洛詮且緣翻將軍藍懷恭與魏

邢巒戰于睢口

姓諧藍魯甘翻姓也戰國策有中山大夫藍諸水經注睢水過睢陵縣故城北而東

南流逕下相縣故城南又東南流入于泗謂之睢口睢音雖

懷恭敗績巒進圍宿預

懷恭復于清南築城

清南清水之南也復扶又翻

巒與平南將軍楊

大眼合攻之九月癸酉拔之斬懷恭殺獲萬計張惠紹

棄宿預

此與後張惠紹聞洛口敗引兵退本一事耳解見後

蕭昞棄淮陽遁還臨

川王宏以帝弟將兵

將即亮翻下同

器械精新軍容甚盛北人

以為百數十年所未之有軍次洛口

水經注洛澗在西北陽縣北劉牢之

斬秦將梁成處北歷秦墟下注淮謂之洛口

前軍克梁城

即謂昌義之克梁城也

諸將

欲乘勝深入宏性懦怯部分乖方

分扶問翻

魏詔邢巒引兵

度淮與中山王英合攻梁城宏聞之懼召諸將議旋師

呂僧珍曰知難而退不亦善乎宏曰我亦以為然柳悛

曰自我大衆所臨何城不服何謂難乎裴邃曰是行也

固敵是求何難之避馬仙琕曰王安得亡國之言天子

掃境內以屬王

悞徒甘翻理部
田翻屬之欲翻

有前死一尺無却生一

寸昌義之怒須髮盡

磔磔陟格翻
張開也

曰呂僧珍可斬也豈

有百萬之師出未逢敵望風遽退何面目得見聖主乎

朱僧勇胡辛生拔劍而退

退據南史宏
傳當作起

曰欲退自退下

官當前向取死議者罷出僧珍謝諸將曰殿下昨來風

動謂宏心風
發動也

意不在軍深恐大致沮喪故欲全師而返

耳沮在呂翻
喪息浪翻

宏不敢遽違羣議停軍不前魏人知其不

武遺以巾幘

遺于季翻
幘古獲翻

且歌之曰不畏蕭娘與呂姥

言其

怯懦如婦人女子也媿莫補翻

但畏合肥有韋虎虎謂韋叡也僧珍歎

曰使始興吳平為帥而佐之豈有為敵人所侮如是乎

始興王憺吳平侯曷帥所類翻

欲遣裴邃分軍取壽陽大衆停洛口宏

固執不聽令軍中曰人馬有前行者斬於是將士人懷

憤怒魏奚康生馳遣楊大眼謂中山王英曰梁人自克

梁城已後久不進軍其勢可見必畏我也王若進據洛

水彼自奔敗英曰蕭臨川雖駭其下有良將韋裴之屬

未可輕也

駭古駭翻將即亮翻

宜且觀形勢勿與交鋒張惠紹號

令嚴明所至獨克軍于下邳

前已言張惠紹棄宿預遁還矣宿預在下邳東南百

餘里此言軍于下邳是未棄宿預之前事李廷壽以此事載之臨川王宏傳通鑑因亦連而書之

下邳

人多欲降者惠紹諭之曰我若得城諸卿皆是國人

國人

猶言王民也降戶江翻下同

若不能克徒使諸卿失鄉里非朝廷弔

民之意也今且安堵復業勿妄自辛苦降人咸悅己丑

夜洛口暴風雨軍中驚臨川王宏與數騎逃去將士求

宏不得皆散歸

考異曰梁書宏傳云會征役久有詔班師殊為不實今從南史

棄甲

投戈填滿水陸捐棄病者及羸老死者近五萬人

羸倫為翻

近其斬翻宏乘小船濟江夜至白石壘叩城門求入臨汝侯

淵猷登城謂曰百萬之師一朝烏散國之存亡未可知

也恐姦人乘間為變間古城不可夜開宏無以對乃縋

食饋之縋馳淵猷淵藻之弟時昌義之軍梁城聞洛口

敗與張惠紹皆引兵退此即張惠紹棄宿預一事也通鑑因南史臨川王宏傳所載者

書之遂致複出魏主詔中山王英乘勝平蕩東南遂北至馬頭

攻拔之城中糧儲魏悉遷之歸北議者咸曰魏運米北

歸當不復南向復扶上曰不然此必欲進兵為詐計耳

乃命修鍾離城勅昌義之為戰守之備

馬頭城在鍾離之西馬頭既陷

魏必東攻鍾離故預為之備

冬十月英進圍鍾離魏主詔邢巒引兵

會之巒上表以為南軍雖野戰非敵而城守有餘今盡銳攻鍾離得之則所利無幾不得則虧損甚大且介在淮外借使束手歸順猶恐無糧難守况殺士卒以攻之乎又征南士卒從戎二時

從戎二時謂兵連不解自夏迄秋也

疲弊死傷

不問可知雖有乘勝之資懼無可用之力若臣愚見謂

宜修復舊戍撫循諸州以俟後舉江東之釁不患其無

詔曰濟淮犄角事如前敕

鬻許覲翻
犄居蟻翻

何容猶爾盤桓

盤桓

不進貌

方有此請可速進軍巒又表以為今中山進軍鍾

離實所未解

解戶買翻曉也

若為得失之計

謂為一切之計或得或失未可必也

不顧萬全直襲廣陵出其不備或未可知若止欲以八

十日糧取鍾離城者臣未之前聞也

英期以八十日糧取鍾離故巒云然

彼堅城自守不與人戰城塹水深非可填塞

塞悉則翻

空坐

至春士卒自弊若遣臣赴彼從何致糧夏來之兵不齎

冬服脫遇冰雪何方取濟臣寧荷怯懦不進之責不受

敗損空行之罪

荷下可翻

鍾離天險朝貴所具

謂朝之貴臣所具知也朝

直遙翻

若有內應則所不知如其無也必無克狀

言必無可克之

狀

若信臣言願賜臣停若謂臣憚行求還臣所領兵乞

盡付中山任其處分

處昌呂翻分扶問翻

臣止以單騎隨之東西

臣屢更為將

騎奇寄翻更工衡翻將即亮翻

頗知可否臣既謂難何容

強遣

強其兩翻

乃召巒還更命鎮東將軍蕭寶寅與英同圍

鍾離侍中盧昶素惡巒

更工衡翻惡烏路翻

與侍中領右衛將軍

元暉共譖之使御史中尉崔亮彈巒在漢中掠人為奴

婢

戀傳云戀初至漢中接豪右以禮撫衆以惠歲餘之後頗因其去就誅滅百姓籍為奴婢者二百餘人彈

徒丹

戀以漢中所得美女賂暉暉言於魏主曰戀新有

大功不當以赦前小事案之

謂是年正月魏主以為然生皇子赦也

魏主以為然

遂不問暉與盧昶皆有寵於魏主而貪縱時人謂之餓

虎將軍饑鷹侍中暉尋遷吏部尚書用官皆有定價大

郡二千匹次郡下郡遞減其半餘官各有等差選者謂

之市曹

以選曹貨賂為市因謂之市曹選須絹翻

丁酉梁兵圍義陽者夜

遁

閩洛口師潰故亦遁

魏郢州刺史婁悅追擊破之

柔然庫者

可汗卒子伏圖立號佗汗可汗

佗汗魏言緒也可從刊入聲汗音寒佗徒河翻

改元始平戊申佗汗遣使者紇奚勿六跋如魏請和魏

主不報其使謂勿六跋曰蠕蠕遠祖社崙乃魏之叛臣

事見一百八卷晉孝武太元十九年使疏吏翻蠕人充翻崙盧昆翻往者包容暫聽通使

事見一百三十六卷齊武帝永明五年雙與暫同今蠕蠕衰微不及疇昔大魏

之德方隆周漢正以江南未平少寬北略少詩洛翻通和之

事未容相許若修藩禮款誠昭著者當不爾孤也孤負也

魏京兆王愉廣平王懷國臣多驕縱公行屬請屬之欲翻

魏主詔中尉崔亮窮治之

治直之翻

坐死者三十餘人其不

死者悉除名為民惟廣平右常侍楊昱文學崔楷以忠

諫獲免昱椿之子也

自晉以來王國置師友文學各一人左右常侍各一人楊椿見一百

三十七卷齊武帝永明八年

十一月乙丑大赦詔右衛將軍曹景

宗都督諸軍二十萬救鍾離上勅景宗頓道人洲

道人在洲

邵陽洲之東

侯衆軍齊集俱進景宗固啟求先據邵陽洲尾

上不許景宗欲專其功違詔而進值暴風猝起頗有溺

者

溺奴狄翻

復還守先頓

謂還守道人也復扶又翻

上聞之曰景宗不

進蓋天意也若孤軍獨往城不時立必致狼狽今破賊

必矣 初漢歸義侯勢之末羣獠始出北自漢中南至

邛笮布滿山谷

事見九十七卷 晉孝宗永和二年 獠魯皓翻邛渠容翻笮音昨

勢既亡

蜀民多東徙山谷空地皆為獠所據其近郡縣與華民

雜居者頗輸租賦遠在深山者郡縣不能制梁益二州

歲伐獠以自潤公私利之及邢巒為梁州獠近者皆安

堵樂業

樂音洛

遠者不敢為寇巒既罷去魏以羊祉為梁

州刺史傅豎眼為益州刺史

去年魏得晉壽置益州豎而庾翻

祉性酷

虐不得物情獠王趙清荆引梁兵入州境為寇社遣兵擊破之豎眼施恩布信大得獠和 十二月癸卯都亭

靖侯謝朓卒

朓敦尾翻

魏人議樂久不決

三年魏命議樂事見上卷

六年春正月公孫崇請委衛軍將軍尚書右僕射高肇

監其事

監工衛翻

魏主知肇不學詔太常卿劉芳佐之

魏

中山王英與平東將軍楊大眼等衆數十萬攻鍾離鍾離城北阻淮水魏人於邵陽洲兩岸為橋樹柵數百步跨淮通道英據南岸攻城大眼據北岸立城以通糧運

城中衆纔三千人昌義之督帥將士隨方抗禦魏人以

車載土填塹使其衆負土隨之嚴騎蹙其後人有未及

回者因以土迫之

帥讀曰率將即亮翻塹七艷
翻騎奇寄翻迫側百翻迫也

俄而塹

滿衝車所撞

撞傳江翻

城土輒頽義之用泥補之衝車雖入

而不能壞魏人晝夜苦攻分番相代墜而復升

復扶又翻下同

莫有退者一日戰數十合前後殺傷萬計魏人死者與

城平二月魏主名英使還英表稱臣志殄逋寇而月初

已來

已以字通

霖雨不止若三月晴霽城必克願少賜寬假

少詩魏主復詔曰彼土蒸濕無宜久淹勢雖必取乃將

軍之深計兵久力殆亦朝廷之所憂也英猶表稱必克

魏主遣步兵校尉范紹詣英議攻取形勢紹見鍾離城

堅勸英引還英不從元英違衆議志在必克鍾離恃義陽之勝而驕也兵法曰常勝之家

難與慮敵又曰兵驕者上命豫州刺史韋叡將兵救鍾

敗其謂是歟校戶教翻離將即亮受曹景宗節度叡自合肥取直道由陰陵大

澤行水經注濠水出陰陵縣之陽亭東北流逕鍾離城下而注于淮陰陵蓋有在鍾離西南合肥東北也

值澗谷輒飛橋以濟師人畏魏兵盛多勸叡緩行叡曰

鍾離今鑿穴而處

處昌呂翻

負戶而汲車馳卒奔猶恐其後

而况緩乎魏人已墮吾腹中卿曹勿憂也旬日至邵陽

上豫勅曹景宗曰韋叡卿之鄉望

曹景宗新野人韋叡以京兆著姓居襄陽

既同州鄉而韋為望族

宜善敬之景宗見叡禮甚謹上聞之曰二

將和師必濟矣景宗與叡進頓邵陽洲叡於景宗營前

二十里夜掘長塹樹鹿角截洲為城去魏城百餘步南

梁太守馮道根能走馬步地計馬足以賦功比曉而營

立

賦布也給與也功力也計一夫之力所任作謂之功杜佑通典曰凡築城下濶與高倍上濶與下倍城高

五丈下濶二丈五尺上濶一丈二尺五寸高下濶狹以此為準料功上濶下加濶得三丈七尺五寸半之得一丈八尺七寸五分以高五丈乘之一尺之城積數得九十三丈七尺五寸每一功日築土二尺計功約四十七人一步五尺之城計役二百三十五人一百步計役二萬三千五百人率一里則十里可知其出土負簣並計之大功之內城濠面濶二丈深一丈底濶一丈以面濶加底積數大半之得數一丈五尺以深一丈乘之鑿濠一尺得數一十五丈每一人計功日出三丈計功五人一步五尺計功二十五人十步計功二百五十人一里計功七萬五百人以此為數魏中山王英大驚以杖擊則百里可知此必利翻及也

地曰是何神也景宗等器甲精新軍容甚盛魏人望之

奪氣景宗慮城中危懼募軍士言文達等

言姓孔門言
偃吳人今吳

人猶有言姓潛行水底齎勅入城城中始知有外援勇氣百

倍楊大眼勇冠軍中將萬餘騎來戰所向皆靡敵結車

為陳冠古玩翻將即亮翻大眼聚騎圍之敵以彊弩二

千一時俱發洞甲穿中中如殺傷甚衆矢貫大眼右臂

大眼退走明旦英自帥衆來戰帥讀敵乘素木輿執白

角如意以麾軍如意一日數合英乃退魏師復夜來攻

城復扶飛矢雨集敵子黯請下城以避箭敵不許軍中

驚敵於城上厲聲呵之乃定此確鬪也兩軍營壘相逼

能支久韋叡於此是難能也比年襄陽之守使諸將連營而前如韋叡之畧城猶可全不至誤國矣嗚呼痛哉

牧人過淮北伐芻藁者皆為楊大眼所畧曹景宗募勇敢士千餘人於大眼城南數里築壘大眼來攻景宗擊却之壘成使別將趙草守之有抄掠者皆為草所獲是後始得縱芻牧上命景宗等豫裝高艦使與魏橋等為

火攻之計

將即虎翻抄楚交翻艦戶贖翻

今景宗與叡各攻一橋叡攻

其南景宗攻其北

魏於邵陽洲兩岸立橋南橋以接元英之兵北橋以接楊大眼之兵三

月淮水暴漲六七尺

考異曰梁帝紀四月癸未景宗等破魏軍魏帝紀四月戊戌鍾離

大水英敗績按曹景宗傳云三月春水生淮水暴漲梁魏二史蓋據奏到月日書之耳今從景宗傳 叡使

馮道根與廬江太守裴邃秦郡太守李文釗等

沈約曰晉武帝

分扶風為秦國中原亂其民南流寄居堂邑堂邑本為縣前漢屬臨淮後漢屬廣陵晉又屬臨淮惠帝永興元年以臨淮淮陵立堂邑郡安帝改堂邑為秦郡五代志揚州六合縣舊曰尉氏置秦郡 乘鬪艦競

發擊魏洲上軍盡殪

殪於計翻

別以小船載草灌之以膏從

而焚其橋風怒火盛煙塵晦冥敢死之士拔柵斫橋水又漂疾倏忽之間橋柵俱盡道根等皆身自搏戰軍人奮勇呼聲動天地

呼火故翻

無不一當百魏軍大潰英見橋

絕脫身棄城走大眼亦燒營去諸壘相次土崩悉棄其
器甲爭投水死者十餘萬斬首亦如之敵遣報昌義之
義之悲喜不暇答語但叫曰更生更生諸軍逐北至澱

水上

魏收志睢州穀陽郡連城縣有澱水按水經注服虔云穀水在沛國相縣界蓋睢水逕穀熟而兩分

穀水之名蓋因地變然則穀水即泗水也魏收又云睢州即梁之潼州治取慮城又按水經注睢水自穀熟東流逕取慮城北又水逕睢陵城北又東與潼水會參而攻之則澱水當在沛臨淮二郡界丁度集韻曰澱呼外

翻一作澱音同水名在亳州是則澱水即澱水音同而字異耳

英單騎入梁城緣淮百

餘里尸相枕藉生擒五萬人

枕之任翻藉慈夜翻異曰韋叡傳云其餘釋甲考

稽顙乞為囚奴者猶數十萬按魏軍共止數
十萬如叡傳所言似為太過今從景宗傳
收其資糧

器械山積牛馬驢騾不可勝計

騾盧戈翻勝音升

義之德景宗

及叡請二人共會設錢二十萬官賭之

擣捕賭博私相與為戲耳不設

於公庭今官賭之於徐州府解公賭之也博以取財曰賭音丁古翻

景宗擲得雉叡徐擲

得盧遽取一子反之曰異事遂作塞

反讀曰翻又如字擣蒲得盧者勝反

一子而作塞塞者擲采未成次擲者塞之以決勝負塞與簷同先代翻異事猶言怪事也

景宗與羣

帥爭先告捷

帥所類翻

叡獨居後世尤以此賢之

史言羣叡有功不伐

詔增景宗叡爵邑義之等受賞各有差

夏四月己酉

以江州刺史王茂為尚書右僕射安成王秀為江州刺

史秀將發主者求堅船以為齋舫以船載齋庫物因曰齋舫舫甫妄翻並兩

船曰舫秀曰吾豈愛財而不愛士乎乃以堅者給參佐下

者載齋物既而遭風齋舫遂破時諸王並下士建安王偉與秀尤好人物時人

方之丁巳以臨川王宏為驃騎將軍開府儀同三司

驃匹妙翻建安王偉為揚州刺史右光祿大夫沈約為

尚書左僕射左僕射王瑩為中軍將軍 六月丙午馮

翊等七郡叛降魏馮翊等郡江左僑立 秋七月丁亥

於雍州界降戶江翻

以尚書右僕射王茂為中軍將軍 八月戊子大赦

魏有司奏中山王英經算失圖齊王蕭寶寅等守橋不

固皆處以極法 處昌呂翻 己亥詔英寶寅免死除名為民楊

大眼徙營州為兵 魏世祖真君五年置營州治和龍以城領昌黎建德遼東樂浪冀陽郡以

中護軍李崇為征南將軍揚州刺史崇多事產業征南

長史狄道辛琛屢諫不從 琛丑林翻 遂相糾舉詔並不問崇

因置酒謂琛曰長史後必為刺史但不知得上佐何如

人耳琛曰若萬一叨忝得一方正長史朝夕聞過是所

願也崇有慙色 九月己亥魏以司空高陽王雍為太

尉尚書令廣陽王嘉為司空 甲子魏開斜谷舊道高漢

祖之為漢王也從杜南入斜中張良送至褒中褒斜一谷也南谷曰褒北谷曰斜意此即斜谷舊道諸葛亮揚聲內斜谷取郿非杜南舊道也以事勢言之承平舊時自長安入蜀其取道就平易南北分爭塞故道而開新路以依險今魏欲就平易以通梁益故復開舊道斜余遮翻谷音浴 冬十月壬寅以五

兵尚書徐勉為吏部尚書勉精力過人雖文案填積坐

客充滿應對如流手不停筆又該綜百氏皆為避諱為于

偽嘗與門人夜集客虞嵩求詹事五官太子詹事亦有五官掾嵩古老

翻勉正色曰今夕止可談風月不可及公事時人咸服

其無私 閏月乙丑以臨川王宏為司徒行太子太傅

尚書左僕射沈約為尚書令行太子少傅吏部尚書袁

昂為右僕射 丁卯魏皇后于氏殂是時高貴嬪有寵

而妬高肇勢傾中外后暴疾而殂人皆歸咎高氏宮禁

事祕莫能詳也

為魏太子
昌卒張本

甲申以光祿大夫夏侯詳

為尚書左僕射 乙酉魏襄順皇后于永泰陵 十二

月丙辰豐城景公夏侯詳卒

沈約曰吳立富城縣晉武
太康元年更名豐城屬豫

章郡 乙丑魏淮陽鎮都軍主常邕和以城來降

降戶江

異曰魏帝紀十月庚午淮陽太守安樂以城南叛今從梁帝紀

資治通鑑卷一百四十六

欽定四庫全書

資治通鑑卷一百四十七 宋 司馬光 撰

胡三省 音註

梁紀三

起著雍困敦盡闕
逢敦牂凡七年

高祖武皇帝三

天監七年春正月魏潁川太守王神念來犇

為後神念
子僧辯有

功於興復張
本守式又翻

壬子以衛尉吳平侯曷兼領軍將軍

詔吏部尚書徐勉定百官九品為十八班以班多者為

貴二月乙丑增置鎮衛將軍以下為十品凡二十四班
不登十品別有八班又置施外國將軍二十四班凡一

百九號

丞相太宰太傅太保大司馬大將軍太尉司徒司空為十八班諸將軍開府儀同三司左右光

祿開府儀同三司為十七班尚書令太子太傅左右光祿大夫為十六班尚書左僕射太子少傅尚書僕射右僕射中書監特進領護軍將軍為十五班中領護軍吏部尚書太子詹事金紫光祿大夫太常卿為十四班中書令列曹尚書國子祭酒宗正太府卿光祿大夫為十三班侍中散騎常侍左右衛將軍司徒左長史衛尉卿為十二班御史中丞尚書吏部郎秘書監通直散騎常侍太子左右二衛率左右驍游大夫皇弟皇子師司農少府廷尉卿太子中庶子光祿卿為十一班給事黃門侍郎員外散騎常侍皇弟皇子府長史太僕大匠

卿太子家令率更令僕揚州別駕中散大夫司徒右長
史雲騎游騎皇弟皇子府司馬朱衣直閣將軍為十班
尚書左丞鴻臚卿中書侍郎國子博士太子庶子揚州
中從事皇弟皇子公府從事中郎太舟卿大長秋皇弟
皇子府諮議嗣王府長史前左右後四軍嗣王府司馬
庶姓公府長史司馬為九班秘書丞太子中舍人司徒
左西掾司徒屬皇弟皇子友散騎侍郎尚書右丞南徐
州別駕皇弟皇子公府掾屬皇弟皇子單為二衛司馬
嗣王庶姓公府從事中郎左右中郎將嗣王庶姓公府
諮議皇弟皇子之庶子府長史司馬蕃王府長史司馬
庶姓持節府長史司馬為八班五校東宮三校皇弟皇
子之庶子府中錄事中記室中直兵參軍南徐州中從
事皇弟皇子之庶子府蕃王府諮議為七班太子洗馬
通直散騎侍郎司徒主簿尚書侍郎著作郎皇弟皇子
府功曹史五經博士皇弟皇子府錄事記室中兵參軍
皇弟皇子荆江雍郢南徐五州別駕領護軍長史司馬

嗣王庶姓公府掾屬南臺治書侍御史廷尉三官謁者
僕射太子門大夫嗣王庶姓公府中錄事中記室中直
兵參軍庶姓府諮議為六班尚書郎中皇弟皇子文學
及府主簿太子太傅少傅丞皇弟皇子湘豫司益廣青
衡七州別駕皇弟皇子荆江雍郢南兗五州中從事嗣
王庶姓荆江等五州別駕太常丞皇弟皇子國郎中令
三將東宮二將嗣王府功曹史庶姓公府錄事記室中
兵參軍皇弟皇子之庶子府蕃王府中錄事中記室中
直兵參軍為五班給事中皇弟皇子府正參軍中書舍
人建康三官皇弟皇子北徐北兗梁交南梁五州別駕
皇弟皇子湘豫司益廣青衡七州別駕中從事嗣王庶
姓湘豫等七州別駕嗣王庶姓荆江等五州中從事宗
正太府衛尉司農少府廷尉太子詹事等丞積射彊弩
將軍太子左右積弩將軍皇弟皇子國大農嗣王國郎
中令嗣王庶姓公府主簿皇弟皇子之庶子府蕃王府
功曹史錄事記室中兵參軍為四班太子舍人司徒祭

酒皇弟皇子公府祭酒員外散騎侍郎皇弟皇子府行
參軍太子太傅少傅五官功曹主簿二衛司馬公車令
胄子律博士皇弟皇子越桂寧霍四州別駕皇弟皇子
北徐北充梁交南梁五州中從事庶姓北徐等五州別
駕湘豫司益廣青衛七州中從事嗣王庶姓公府正參
軍皇弟皇子之庶子府蕃王府曹主簿武衛將軍光祿
丞皇弟皇子國中尉太僕大匠丞嗣王國大農蕃王國
郎中令庶姓持節府中錄事中記室中直兵參軍北館
令為三班秘書郎著作佐郎楊南徐州主簿嗣王庶姓
公府祭酒皇弟皇子單為領護詹事二衛等功曹五官
主簿太學博士皇弟皇子國常侍奉朝請國子助教皇
弟皇子越桂寧霍四州中從事皇弟皇子荆江等五州
主簿嗣王庶姓越桂等四州別駕嗣王庶姓北徐等五
州中從事鴻臚丞尚書五都令史武騎常侍材官將軍
明堂二廟帝陵令嗣王庶姓公府行參軍皇弟皇子之
庶子府正參軍蕃王國大農庶姓持節府錄事記室中

直兵參軍庶姓持節府功曹史為二班揚南徐州西曹
祭酒從事皇弟皇子國侍郎嗣王國常侍南徐州議曹
從事東宮通事舍人南臺侍御史大舟丞二衛殿中將
軍皇弟皇子之庶子府蕃王府行參軍蕃王國中尉皇
弟皇子湘豫等七州主簿皇弟皇子荆雍等州西曹祭
酒議曹從事皇弟皇子西曹從事祭酒議曹祭酒部傳
從事嗣王庶姓越桂等四州中從事嗣王庶姓荆江等
五州主簿庶姓持節府主簿汝陰巴陵二國郎中令太
官太樂太市太史太醫太祝東西治左右尚方南北武
庫車府等令為一班又詔以將軍之名高卑外雜更加
釐定於是有所奏置一百二十五號將軍以鎮衛驃騎
車騎為二十四班內外通用征東征西征南征北施外
中軍中衛中撫中護施內為二十三班鎮東鎮西鎮南
鎮北施外鎮左鎮右鎮前鎮後施內為二十二班安東
安西安南安北施外安左安右安前安後施內為二十
一班平東平西平南平北施外翊左翊右翊前翊後施

內為二十班是為重號將軍忠武軍師為十九班武臣
爪牙龍騎雲麾為十八班代舊前後左右四將軍鎮兵
翊師宣惠宣毅為十七班代舊四中郎將十號為一品
智威仁威勇威信威嚴威為十六班代舊征虜智武仁
武勇武信武嚴武為十五班代舊冠軍十號為一品所
謂五德將軍者也輕車征遠鎮朔武旅貞毅為十四班
代舊輔國凡將軍加大者唯至貞毅而已通進一階優
者方得比位從公寧遠明威振遠電耀威耀為十三班
代舊寧朔十號為一品武威武騎武猛壯武颯武為十
二班電威馳銳追鋒羽騎突騎為十一班十號為一品
折衝冠武和戎安壘猛烈為十班掃狄雄信掃虜武銳
椎鋒為九班十號為一品畧遠貞威決勝開遠光野為
八班屬鋒輕銳討狄蕩虜蕩夷為七班十號為一品武
毅鐵騎樓船宣猛樹功為六班克狄平虜討夷平狄威
戎為五班十號為一品伏波雄戰長劍衝冠雕騎為四
班飲飛安夷克戎綏狄威虜為三班十號為一品前鋒

武義開邊招遠全威為二班綏虜蕩寇橫野馳射為一班十號為一品凡十品二十四班亦以班多為貴其制品十取其盈數以法十日班二十四以法氣序制簿悉以大號居後以為選法自小遷大也其不登十品應須軍號者有牙門代舊建威期門代舊建武為八班侯騎代舊振威熊渠代舊振武為七班中堅代舊奮威典戎代舊奮武為六班戈船代舊揚威繡衣代舊揚武為五班執訊代舊廣威行陣代舊廣武為四班鷹揚為三班陵江為二班偏將軍裨將軍為一班凡十四號別為八班以象八風所施甚輕又有武安鎮遠雄擬車騎為八二十四班撫東撫西撫南撫北擬四征為二十三班東寧西寧南寧北擬四鎮為二十二班威東威西威南威北擬四安為二十一班綏東綏西綏南綏北擬四安為十九班凡十九號為一品安遠安邊擬忠武軍師為十九班輔義安沙衛海撫河擬武臣等四號為十七班凡十號平遠撫朔寧沙航海擬鎮兵等四號為十七班凡十號

為一品翊海朔野拓遠威河龍幕擬智威等五號為十
六班威隴安漢綏邊寧寇梯山擬智武等五號為十五
班凡十號為一品寧境綏河明信明義威漠擬輕車等
五號為十四班安隴向義宣節振朔候律擬寧遠等五
號為十三班凡十號為一品平寇定遠寧隴陵海振漠
擬武威等五號為十二班馳義橫朔明節執信懷德擬
雷威等五號為十一班凡十號為一品撫邊定隴綏關
立信奉義擬折衝等五號為十班綏隴寧邊定朔立節
懷威擬掃狄等五號為九班凡十號為一品懷關靜朔
掃寇寧河安朔擬畧遠等五號為八班揚化超隴執義
來化度嶂擬厲鋒等五號為七班凡十號為一品平河
振隴雄邊橫沙寧關擬武毅等五號為六班懷信宣義
弘節浮遼鑿空擬克狄等五號為五班凡十號為一品
扞海款塞歸義陵河明信擬伏波等五號為四班奉忠
守義弘信仰化立義擬飲飛等五號為三班凡十號為
一品綏方奉正承化浮海渡河擬先鋒等五號為二班

懷義奉信歸誠懷澤伏義擬綏虜等五號為一品凡十號為一班大凡一百九號亦為二十四班施於外國

庚午詔置州望郡宗鄉豪各一人專掌搜薦

搜求也
搜才能

而薦之
於上

乙亥以南充州刺史呂僧珍為領軍將軍領

軍掌內外兵要宋孝建以來制局用事與領軍分兵權典事以上皆得呈奏領軍拱手而已及吳平侯曷在職峻切官曹肅然制局監皆近倖頗不堪命以是不得久

留中丙子出為雍州刺史

先用僧珍次日出曷
曷音丙雍於用翻

三月

戊子魏皇子昌卒侍御師王顯失於療治

醫師侍御左
右因以名官

後魏之制太醫令屬太常掌醫藥而門下省別有高藥局侍御師蓋今之御醫也此又一王顯非御史中尉之王顯也治時人皆以為承高肇之意也夏四月乙卯直之翻

皇太子納妃大赦五月己亥詔復置宗正太僕大匠

鴻臚又增太府太舟仍先為十二卿復扶又翻五代史志曰是年以太常

為太常卿加置宗正卿以大司農為司農卿是為春卿加置太府卿以少府為少府卿加置太僕卿是為夏卿以衛尉為衛尉卿廷尉為廷尉卿將作大匠為大匠卿是為秋卿以光祿勳為光祿卿大鴻臚為鴻臚卿都水使者為大舟卿是為冬卿凡十二卿皆置丞及功曹主簿癸卯以安成王秀為荆

州刺史先是巴陵馬營蠻緣江為寇州郡不能討先恭薦翻

秀遣防閤文熾帥衆燔其林木

梁制上官東宮置直閤王公置防閤文姓也帥

讀曰蠻失其險州境無寇

蠻無所依阻故不敢為寇

秋七月甲午

魏立高貴嬪為皇后

嬪毗賓翻

尚書令高肇益貴重用事肇

多變更先朝舊制減削封秩抑黜勲人由是怨聲盈路

羣臣宗室皆卑下之

更工衡翻朝直選翻下選嫁翻

唯度支尚書元匡

與肇抗衡先是造棺置聽事欲與棺詣闕論肇罪惡自

殺以切諫肇聞而惡之

度徒洛翻惡烏路翻

會匡與太常劉芳議

權量事

魏因議樂併議定權量量力讓翻

肇主芳議匡遂與肇喧競

競爭

也表肇指鹿為馬

以肇比趙高

御史中尉王顯奏彈匡誣毀

宰相有司處匡死刑

處昌呂翻

詔恕死降為光祿大夫八

月癸丑竟陵壯公曹景宗卒初魏主為京兆王愉納

于后之妹為妃

為于偽翻

愉不愛愛妾李氏生子寶月于后

召李氏入宮捶之

捶止榮翻

愉驕奢貪縱所為多不法帝召

愉入禁中推案杖愉五十出為冀州刺史愉自以年長

長知兩翻

而勢位不及二弟

二弟清河王澤廣平王懷

潛懷愧恨又身與

妾屢被頓辱高肇數譖愉兄弟愉不勝忿

被皮義翻數所角翻勝音

升癸亥殺長史羊靈引司馬李遵詐稱得清河王懌密

疏云高肇弑逆遂為壇於信都之南

魏冀州刺史治信都

即皇帝

位大赦改元建平立李氏為皇后法曹參軍崔伯驥不

從愉殺之在北州鎮皆疑魏朝有變

謂州鎮在冀州之北者朝直遙翻

定州刺史安樂王詮具以狀告之

樂音洛詮且緣翻

州鎮乃安

乙丑魏以尚書李平為都督北討諸軍行冀州事以討

愉平崇之從父弟也

從才用翻

丁卯魏大赦改元永平

魏京兆王愉遣使說平原太守清河房亮亮斬其使愉

遣其將張靈和擊之為亮所敗

說式芮翻將即亮翻敗補邁翻

李平軍

至經縣

經縣漢晉屬安平國魏收志屬鉅鹿郡

諸軍大集夜有蠻兵數千

斫平營矢及平帳平堅卧不動俄而自定

蠻兵蓋亦李平所統欲為

內變而平不動故自定

九月辛巳朔愉逆戰於城南草橋平奮擊

大破之愉脫身走入城平進圍之壬辰安樂王詮破愉

兵於城北 癸巳立皇子績為南康王 魏高后之立

也彭城武宣王勰固諫

勰音協

魏主不聽高肇由是怨之

數譖勰於魏主

數所角翻

魏主不之信勰薦其舅潘僧固為

長樂太守京兆王愉之反脅僧固與之同

冀州與長樂郡同治信都

故僧固為愉所脅樂音洛

肇因誣勰北與愉通南招蠻賊

伊闕以南接于淮汝

江沔皆有蠻左

彭城郎中令魏偃前防閣高祖珍

高祖珍前嘗為勰防閣時

已去官故曰前防閣

希肇提擢構成其事肇令侍中元暉以聞暉

不從又令左衛元珍言之帝以問暉暉明勰不然又以

問肇肇引魏偃高祖珍為證帝乃信之戊戌召勰及高

陽王雍廣陽王嘉清河王懌廣平王懷高肇俱入宴勰

妃李氏方產固辭不赴中使相繼召之

使疏吏翻

不得已與

妃訣而登車入東掖門度小橋牛不肯進擊之良久良

稍久也或曰甚久也

更有使者責總來遲乃去牛

去羌呂翻

人挽而進

宴於禁中至夜皆醉各就別所消息

令各就便安之處消酒毒而息真氣

俄而元珍引武士齎毒酒而至總曰吾無罪願一見至

尊死無恨元珍曰至尊何可復見

復扶又翻

總曰至尊聖明

不應無事殺我乞與告者一對曲直武士以刀鐶築之

總大言曰冤哉皇天忠而見殺武士又築之總乃飲毒

酒武士就殺之向晨以褥裹尸載歸其第云王因醉而

薨李氏號哭大言曰

號戶

高肇枉理殺人天道有靈汝

安得良死魏主舉哀於東堂贈官葬禮皆優厚加等在

朝貴賤莫不喪氣

朝直遙翻喪息浪翻

行路士女皆流涕曰高令

公枉殺賢王

肇為尚書令故稱為令公

由是中外惡之益甚

為高肇被誅張

本惡鳥路翻

京兆王愉不能守信都癸卯燒門攜李氏及其

四子從百餘騎突走

騎奇寄翻

李平入信都斬愉所置冀州

牧韋超等遣統軍叔孫頭追執愉置信都以聞羣臣請

誅愉魏主不許命鎖送洛陽申以家人之訓

愉魏主弟也故欲訓

責行至野王高肇密使人殺之

考異曰魏書及北史
愉傳皆云愉每宿止亭

傳必攜李手盡其私情雖鏹繫之中飲賞自若畧無愧
懼之色至野王愉語人曰雖主上慈深不忍殺我吾亦
何面見至尊於是歔歔流涕絕氣而死或云高肇令人
殺之按愉既敗被執猶畧無愧懼安能慙見魏主遽感
激絕氣而死蓋肇潛使人諸子至洛魏主皆赦之魏主
殺愉因以此言結魏主耳

將屠李氏中書令崔光諫曰李氏方妊刑至剗胎乃桀

紂所為

武王數紂之罪
曰剗剔孕婦

酷而非法請俟產畢然後行刑

從之李平捕愉餘黨千餘人將盡殺之錄事參軍高顥

曰此皆脅從前既許之原免矣宜為表陳

為于偽翻
下為國同

平

從之皆得免死顯祐之孫也

高祐允之從祖弟濟州刺

史高植帥州軍擊愉有功當封

濟子禮翻帥讀曰率

植不受曰家

荷重恩為國致效

致效言致身而效死也荷下可翻

乃其常節何敢求

賞植肇之子也加李平散騎常侍

散悉亶翻騎奇寄翻

高肇及中

尉王顯素惡平顯彈平在冀州隱截官口

此謂叛黨男女合沒為官

口者惡鳥路翻彈徒丹翻

肇奏除平名

除名不得通籍禁門

初顯祖之世柔然

萬餘口降魏置之高平薄骨律二鎮

魏世祖太延二年置高平鎮是後肅

宗正光五年改置靈州宋白曰太和十年改薄骨律鎮肅宗

野鎮降
戶江翻

及太和之末叛走略盡唯千餘戶在太中大夫

王通請徙置淮北以絕其叛詔太僕卿楊椿持節往徙

之椿上言先朝處之邊徼所以招附殊俗且別異華戎

也朝直遙翻處昌呂翻下河
處同微吉弔翻別彼列翻今新附之戶甚衆若舊者

見徙新者必不自安是驅之使叛也且此屬衣毛食肉

樂冬便寒

衣於既翻
樂音洛

南土濕熱往必殲盡進失歸附之

心退無藩衛之益置之中夏

殲息廉翻
夏戶雅翻

或生後患非良

策也不從遂徙於濟州緣河處之及京兆王愉之亂皆

浮河赴愉所在抄掠如椿之言

濟子禮翻抄楚交翻

庚子魏郢

州司馬彭珍等叛魏潛引梁兵趨義陽三關戍主侯登

等以城來降郢州刺史婁悅嬰城自守魏以中山王英

都督南征諸軍事將步騎三萬出汝南以救之

趨七喻翻降戶

江翻將即亮翻騎奇寄翻考異曰田益宗傳詔曰英統馬步七萬邢巒統精騎三萬蓋虛聲耳今從魏帝紀

冬十月魏懸瓠軍主白早生殺豫州刺史司馬悅

瓠戶

故翻考異曰梁帝紀作白早生馬仙理傳作琅邪王司馬慶曾今皆從魏書

自號平北將軍

求救於司州馬仙理

理部田翻

時荊州刺史安成王秀為都

督

秀以荊州刺史督諸州司州其所統也

仙琿籤求應赴

籤前叙求應赴之事注見一百

二十卷宋文帝元嘉元年

參佐咸謂宜待臺報

謂宜奏上天臺而待報江左率謂朝廷為

臺亦謂之天臺

秀曰彼待我以自存

彼謂白

援之宜速待救雖

舊

謂舊制須待臺敕

非應急也即遣兵赴之上亦詔仙琿救早

生仙琿進頓楚王城

楚王城即楚王戌

遣副將齊苟兒

將即亮

異曰魏書作苟仁今從梁書南北史

以兵二千助守懸瓠詔以早生為司

州刺史

考異曰梁帝紀十月丙子魏陽關主許敬珍以城內附詔大舉北伐以始興王憺帥衆入清

王茂帥衆向宿豫丁丑白早生與豫州刺史胡遜以城內屬以早生為司州胡遜為豫州刺史明年正月壬辰

魏鎮東參軍成景萬斬宿豫城主嚴仲寶以城內屬二月丁卯魏楚王城主李國興以城內附姓名年月事迹既與魏書參差又徧檢諸列傳皆無其事今並從魏書

丙寅以吳興太守張稷

為尚書左僕射

守式又翻

魏以尚書邢巒行豫州事將兵

擊白早生魏主問之曰卿言早生走也守也何時可平

對曰早生非有深謀大智正以司馬悅暴虐乘衆怒而

作亂民迫於凶威不得已而從之縱使梁兵入城水路

不通糧運不繼亦成禽耳早生得梁之援溺於利欲必

守而不走若臨以王師士民必翻然歸順不出今年當

傳首京師魏主悅命巒先發使中山王英繼之巒帥騎
八百倍道兼行五日至鮑口丙子早生遣其大將胡孝

智將兵七千離城二百里逆戰

帥讀曰率騎奇寄翻下同將即亮翻下椿將同

離力智翻巒奮擊大破之乘勝長驅至懸瓠早生出城逆戰

又破之因渡汝水圍其城詔加巒都督南討諸軍事丁

丑魏鎮東參軍成景雋殺宿豫戍主嚴仲賢以城來降

降戶江翻時魏郢豫二州自懸瓠以南至于安陸諸城皆沒

唯義陽一城為魏堅守為

偽于翻巒帥田益宗帥羣蠻以附

魏

蠻帥所類翻
宗帥讀曰率

魏以為東豫州刺史

魏東豫州治新息
廣陵城領汝南東

新蔡新蔡弋
陽長陵郡

上以車騎大將軍開府儀同三司五千戶

郡公招之益宗不從十一月庚寅魏遣安東將軍楊椿

將兵四萬攻宿豫魏主聞邢巒屢捷命中山王英趣義

陽英以衆少累表請兵弗許

趣與趨同七喻
翻少詩沼翻

英至懸瓠

輒與巒共攻之十二月己未齊苟兒等開門出降斬白

早生及其黨數十人英乃引兵前趨義陽

趨七喻翻

寧朔將

軍張道凝先屯楚王城癸亥棄城走英追擊斬之魏義

陽太守狄道辛祥與婁悅共守義陽將軍胡武城陶平

虜攻之祥夜出襲其營擒平虜斬武城由是州境獲全

論功當賞婁悅恥功出其下間之於執政賞遂不行古間

覓翻史言高肇專魏賞罰無章

壬申魏東荊州表桓暉之弟叔興前

後招撫太陽蠻歸附者萬餘戶請置郡十六縣五十是自

之後蠻左郡縣不可勝紀矣詔前鎮東府長史酈道元案行置之下行

孟道元範之子也酈範見一百三十二卷宋明帝泰始三年是歲柔然佗

汗可汗復遣紇奚勿六跋獻貂裘於魏佗徒河翻汗音寒可從列入聲

復扶又翻

魏主弗受報之如前

前事見上卷五年

初高車侯倍窮奇

為噤噠所殺

噤噠國大月氏之種類也亦曰高車之別種其原出於塞北自金山而南在于闐之

西去長安一萬一百里其王都拔底城蓋王舍城也噤益沙翻噤當割翻又陀葛翻又宅軋翻執其子

彌俄突而去其衆分散或犇魏或犇柔然魏主遣羽林

監河南孟威撫納降戶置於高平鎮

降戶江翻

高車王阿伏

至羅殘暴國人殺之立其宗人跋利延噤噠奉彌俄突

以伐高車國人殺跋利延迎彌俄突而立之彌俄突與

佗汗可汗戰于蒲類海不勝西走三百餘里佗汗軍于

伊吾北山會高昌王麴嘉求內徙于魏時孟威為龍驤

將軍

驤思將翻

魏主遣威發涼州兵三千人迎之至伊吾佗

汗見威軍怖而遁去

怖普布翻

彌俄突聞其離駭追擊大破

之殺佗汗于蒲類海北割其髮送于威且遣使入貢于

魏

使疏吏翻

魏主使東城子于亮報之賜遺甚厚

遺于季翻

高昌

王嘉失期不至威引兵還沱汗可汗子醜奴立號豆羅

伏跋豆伐可汗

魏收曰魏言彰制也

改元建昌

宋齊舊儀祀天

皆服袞冕兼著作郎高陽許懋請造大裘從之

周禮天官司裘

掌為大裘以供王祀天之服鄭眾注云大裘黑羔裘服以祀天示質時有司尋大裘之制唯鄭玄注司服云大裘羔裘也既無所出未可為據按六冕之服皆一上纁下今宜以玄纁為之其制式如裘其裳以纁皆無文繡

冕則無旒制曰可上將有事太廟詔以齋日不樂自今輿駕始

出鼓吹從而作還宮如常儀還宮則鼓吹振作吹昌瑞翻

八年春正月辛巳上祀南郊大赦時有請封會稽禪國

山者國山在義興國山縣隋廢義興郡為義興縣并國山入焉我朝太平興國元年以太宗藩邸舊

諱改義興為宜與會工外翻上命諸儒草封禪儀欲行之許懋建議

以為舜柴岱宗是為巡狩而鄭引孝經鉤命決云封于

太山考績柴燎禪乎梁甫刻石紀號此緯書之曲說非

正經之通義也

緯于貴翻

舜五載一巡狩春夏秋冬周徧四

嶽

書舜典歲二月東巡狩至于岱宗柴望秩于山川五月南巡狩至于南岳八月西巡狩至于西岳十有一

月北巡狩至于北岳載于亥翻

若為封禪何其數也

數所角翻

又如管夷吾

所說七十二君燧人之前世質民淳安得泥金檢玉結

繩而治安得鐫文告成夷吾又云唯受命之君然後得

封禪周成王非受命之君云何得封太山禪社首神農

即炎帝也而夷吾分為二人妄亦甚矣若聖主不須封

禪若凡主不應封禪蓋齊桓公欲行此事夷吾知其不

可故舉怪物以屈之

班志曰齊桓公既霸會諸侯于葵丘而欲封禪管仲曰古者封太山

禪梁父者七十二家夷吾所記者十有二焉昔無懷氏

封太山禪云云伏羲封太山禪云云神農氏封太山禪

云云炎帝封太山禪云云黃帝封太山禪云云顓頊封

太山禪云云帝嚳封太山禪云云堯封太山禪云云舜

封太山禪云云禹封太山禪會稽湯封太山禪云云成

王封太山禪于社首皆受命乃得封禪桓公曰寡人九

合諸侯一匡天下昔三代受命何以異此管仲睹桓公

不可窮以辭因設之以事曰古之封禪鄙上黍北里禾

所以為盛江淮以一茅三脊所以為藉東海致比目之

魚西海致比翼之鳥然後物有不召而自至者十有五

焉今鳳凰麒麟不至嘉禾不生而蓬蒿藜莠茂

鷓鴣羣翔而欲封禪無乃不可乎桓公乃止

秦始皇

嘗封太山孫皓嘗遣兼司空董朝至陽羨封禪國山

五代

志曰義興
舊曰陽羨

皆非盛德之事不足為法然則封禪之禮皆

道聽所說失其本文由主好名於上

好呼
到翻

而臣阿旨於

下也古者祀天祭地禮有常數誠敬之道盡此而備至

於封禪非所敢聞上嘉納之因推演懋議稱制旨以答

請者由是遂止魏中山王英至義陽將取三關先策

之曰三關相須如左右手若克一關兩關不待攻而破

攻難不如攻易宜先攻東關

東關即武陽關易
以豉翻下勢易同

又恐其

并力於東乃使長史李華帥五統向西關

五統五統軍之衆西關即

平靖關帥讀曰率

以分其兵勢自督諸軍向東關先是馬仙理

使雲騎將軍馬廣屯長薄軍主胡文超屯松峴

先悉薦翻騎奇

寄翻峴戶典翻遣馬廣會超守三關

考異曰梁馬仙理傳云今從魏中山王英傳

丙申英至長

薄戍戍長薄潰馬廣遁入武陽英進圍之上遣冠軍將

軍彭甕生驃騎將軍徐元季將兵援武陽

冠古玩翻驃匹妙翻騎奇

寄翻季將即亮翻下同曰英傳作徐超秀今從魏帝紀

考異英故縱之使入城曰吾

觀此城形勢易取

易以鼓翻

甕生等既入英促兵攻之六日

而拔虜三將及士卒七千餘人進攻廣峴

廣峴蓋即黃峴關

太

子左衛率李元履棄城走又攻西關馬仙琕亦棄城走

上使南郡太守韋叡將兵救仙琕

郢陽之捷叡遷左衛將軍尋為安西長史

南郡太守

叡至安陸增築城二丈餘更開大塹起高樓

塹七艷翻

衆頗譏其示怯叡曰不然為將當有怯時不可專勇中

山王英急追馬仙琕將復郢陽之恥聞叡至乃退上亦

有詔罷兵初魏主遣中書舍人鮑陽董紹慰勞叛城

陽

縣漢屬汝南郡晉屬汝陰郡魏屬新蔡郡孟康曰鮑音
紂紅翻隋廢新蔡郡為縣屬豫州鮑陽之地當在新蔡

縣界勞力到翻白早生襲而囚之送於建康魏主既克懸瓠命

於齊荀兒等四將之中分遣二人敕揚州為移魏揚州治壽陽

移移文也以易紹及司馬悅首考異曰紹傳云歸荀兒等十人今從司馬悅傳移

書未至領軍將軍呂僧珍與紹言愛其文義言於上上

遣主書霍靈超謂紹曰今聽卿還令卿通兩家之好呼好

到翻下通好同彼此息民豈不善也因召見賜衣物見賢通翻令舍

人周捨慰勞之舍人中書通事舍人勞力到翻且曰戰爭多年民物塗

炭吾是以不恥先言與魏朝通好比亦有書全無報者

朝直遙翻好呼到翻
下同比毗至翻近也

卿宜備申此意今遣傳詔霍靈秀

送卿至國遲有嘉問

遲直利翻待也

又謂紹曰卿知所以得不

死不

死不讀曰否

今者獲卿乃天意也夫立君以為民也

為于

翻偽

凡在民上豈可以不思此乎若欲通好今以宿豫還

彼彼當以漢中見歸紹還魏言之魏主不從 三月魏

荊州刺史元志將兵七萬寇潺溝

潺溝在漢北據梁書吳平侯曷傳破志於

潺溝流尸蓋漢水則潺溝之水南注于漢潺任山翻

驅迫羣蠻羣蠻悉渡漢水來

降雍州刺史吳平侯曷納之

降戶江翻雍于用翻曷音丙

綱紀皆以

蠻累為邊患不如因此除之

州郡上佐謂之綱紀言其綱紀州郡之事也

曷

曰窮來歸我誅之不祥且魏人來侵吾得蠻以為屏蔽

不亦善乎

屏必郢翻

乃開樊城受其降命司馬朱思遠等擊

志於潺溝大破之斬首萬餘級志齊之孫也

拓跋齊見一百二十

卷宋文帝元嘉四年

夏四月戊申以臨川王宏為司空加車騎

將軍王茂開府儀同三司

騎奇寄翻

丁卯魏楚王城主李

國興以城降

秋七月癸巳巴陵王蕭寶義卒

九月

辛巳魏封故北海王詳子顥為北海王

詳得罪死事見一百四十五卷

天監
元年

魏公孫崇造樂尺以十二黍為寸劉芳非之更

以十黍為寸尚書令高肇等奏崇所造八音之器及度量皆與經傳不同詰其所以然云必依經文聲則不協

請更令芳依周禮造樂器俟成集議並呈從其善者詔

從之

夫作樂者先定律律起于黃鍾黃鍾之長以黍審其度黃鍾之倫以黍審其容周禮典同雖曰掌六

律六同之和以辨天地四方陰陽之聲以為樂器然度之長短容之多少未嘗詳言之也冬官考工既出于漢而鳧氏為鍾但言其廣長圓徑深厚而黍黍之法無聞馬肇請令芳依周禮造樂器未知其何所依也魏收曰太和中詔中書監高閭修正音律久未能定閭表太樂祭酒公孫崇參知律呂鐘磬之事景明四年并州獲古

銅權詔付崇以為鍾律之準永平中崇更造新尺以一
泰之長索為寸法尋太常卿劉芳受詔修樂以矩泰中
者一泰之廣即為一分而中尉元匡以一泰之廣度泰
二縫以取一分三家分競久不能決太和十九年高祖
詔以一泰之廣用成分體九十泰之長以定銅尺有司
奏從前詔而芳尺同高祖所制故遂典修金石更工衡
翻傳直總翻
詰去吉翻

冬十月癸丑魏以司空廣陽王嘉為司

徒十一月己丑魏主於式乾殿為諸僧及朝臣講維

摩詰經

為于偽翻
朝直遙翻

時魏主專尚釋氏不事經籍中書侍

郎河東裴延雋上疏以為漢光武魏武帝雖在戎馬之
間未嘗廢書先帝遷都行師手不釋卷良以學問多益

不可暫輟故也陛下升法座親講大覺凡在瞻聽塵蔽

俱開然五經治世之模楷應務之所先

治直之翻

伏願經書

互覽孔釋兼存則內外俱周真俗斯暢矣時佛教盛于

洛陽沙門之外自西域來者三千餘人魏主別為之立

永明寺千餘間以處之處士南陽馮亮有巧思

為于偽翻處昌

呂翻思相吏翻

魏主使與河南尹甄琛沙門統僧暹擇嵩山形

勝之地立間居寺極巖壑土木之美由是遠近承風無

不事佛比及延昌

甄之人翻琛丑林翻比必利翻

州郡共有一萬三千

餘寺 是歲魏宗正卿元樹來犇賜爵鄴王樹翼之弟

也時翼為青冀二州刺史鎮郁洲

水經注胸山東北海中有大洲謂之郁洲

久之翼謀舉州降魏事泄而死

元翼來降見上卷五年降戶江翻

九年春正月乙亥以尚書令沈約為左光祿大夫右光

祿大夫王瑩為尚書令約文學高一時而貪冒榮利用

事十餘年政之得失唯唯而已

冒莫北翻下同唯于癸翻

自以久居

端揆有志台司論者亦以為宜而上終不用乃求外出

又不許徐勉為之請三司之儀

梁官制有開府同三司之儀在開府儀同三司

下為于
偽翻

上不許 庚寅新作綠淮塘北岸起石頭迄東

治南岸起後渚籬門迄三橋 三月丙戌魏皇子詡生

詡母胡克華臨涇人

克華晉武帝制宋明帝時以婕妤
克華等五職位亞九嬪蕭齊之世

位列九嬪臨涇縣自漢以
來屬安定郡詡况羽翻

父國珍襲武始伯 隋志金城
郡狄道縣

後魏置
武始郡

克華初選入掖庭同列以故事祝之願生諸王

公主勿生太子克華曰妾之志異於諸人奈何畏一身

之死而使國家無嗣乎及有娠同列勸去之

娠音身去
羌呂翻

克華不可私自誓曰若幸而生男次第當長

長丁丈翻
今知兩翻

下漸長同男生身死所不憾也既而生謂先是魏主頻喪皇

子先悉薦翻喪直浪翻年漸長深加慎護擇良家宜子者以為乳

保乳母保也養於別宮皇后充華皆不得近近其已丑

上幸國子學親臨講肄乙未詔皇太子以下及王侯之

子年可從師者皆入學 舊制尚書五都令史皆用寒

流夏四月丁巳詔曰尚書五都職參政要非但總領衆

局亦乃方軌二丞方軌謂並駕也二丞謂左右丞可革用士流秉此羣

目於是以都令史視奉朝請朝直用太學博士劉納兼

通翻

殿中都司空法曹參軍劉顯兼吏部都太學博士孔虔

孫兼金部都司空法曹參軍蕭軌兼左右戶都宣毅墨

曹參軍王顯兼中兵都宣毅將軍府之墨並以才地兼

美首膺其選 六月宣城郡吏吳承伯挾妖術聚衆於妖

翻癸丑攻郡殺太守朱僧勇轉屠旁縣閏月己丑承伯

踰山奄至吳興東土人素不習兵吏民恒擾奔散或勸

太守蔡搏避之搏不可惟去王翻募勇敢閉門拒守承

伯盡銳攻之搏帥衆出戰大破之臨陳斬承伯帥讀曰

曰搏興宗之子也

蔡興宗任宋大明泰始之間以方正自持

承伯餘黨入新

安攻陷黔歛諸縣

黔音伊歛書涉翻

太守謝覽遣兵拒之不勝

逃奔會稽臺軍討賊平之覽淪之子也

謝淪任宋齊之間位要近有清

望會工外翻

冬十月魏中山獻武王英卒

上即位之三

年詔定新歷員外散騎侍郎祖暉奏其父冲之考古法

為正歷不可改

散悉亶翻騎奇寄翻暉古鄧翻又况晚翻

至八年詔太史課

新舊二歷新歷密舊歷疎是歲始行冲之大明歷

舊歷何承

天歷也新歷祖冲之歷也冲之上巳見一百二十九卷宋孝武帝大明六年

魏劉芳奏所

造樂器及教文武二舞登歌鼓吹曲等已成

吹昌瑞翻

乞如

前敕集公卿羣儒議定與舊樂參呈若臣等所造形制合古擊拊會節請於來年元會用之詔舞可用新餘且仍舊

十年春正月辛丑上祀南郊大赦尚書左僕射張稷

自謂功大賞薄

稷以殺齊東昏侯為功

嘗侍宴樂壽殿

樂音洛

酒酣

怨望形於辭色上曰卿兄殺郡守

稷兄瓌殺劉遐事見一百三十四卷宋順

帝昇明元年守式又翻

弟殺其君有何名稱稷曰臣乃無名稱

尺稱

證翻

至於陛下不得言無勳東昏暴虐義師亦來伐之豈

在臣而已上將其須

將盧括翻須古鬚字通

曰張公可畏人稷既

懼且恨乃求出外癸卯以稷為青冀二州刺史王珍國

亦怨望

王珍國與稷同殺東昏侯其怨望之心與稷同

罷梁秦二州刺史還

還從

宣翻又音如字考異曰梁書珍國未嘗為梁秦刺史今從南史

酒後於坐啓云

坐徂卧翻

臣近入梁山便哭上大驚曰卿若哭東昏則已晚若哭

我我復未死珍國起拜謝竟不答坐即散

復扶又翻坐徂卧翻

因

此疎退久之除都官尚書 丁巳魏汾州山胡劉龍駒

聚眾反侵擾夏州詔諫議大夫薛和發東秦汾華夏四

州之眾以討之

魏高祖太和十一年分秦州置華州治華陰領華山登城白水郡又置夏州治

統萬領化政闡熙金明代各郡夏戶雅翻華戶化翻

辛酉上祀明堂 三月琅

邪民王萬壽殺東莞琅邪二郡太守劉晰

邪音耶莞音管晰之舌翻

考異曰梁帝紀云三月辛丑按長曆是月丁酉朔而盧昶傳云三月十四夜萬壽等攻掩胸城蓋辛酉也今

不日以闕疑又梁馬仙琕傳及魏帝紀盧昶傳皆云劉晰而梁帝紀云鄧晰蓋字誤也 據胸山名

魏軍

胸音劬

壬戌魏廣陽懿烈王嘉卒

魏徐州刺史

盧昶遣郟城戍副張天惠

秦置郟郡漢改為東海郡魏復置郟郡屬東徐州郟音談

琅邪戍主傅文驥相繼赴胸山青冀二州刺史張稷遣

兵拒之不勝

梁青冀二州治鬱州

夏四月文驥等據胸山詔振遠

將軍馬仙琕擊之

琕部田翻

魏又遣假安南將軍蕭寶寅假

平東將軍天水趙遐將兵據胸山受盧昶節度

將即亮翻

甲戌魏薛和破劉龍駒悉平其黨表置東夏州

東夏州領偏城

朔方定陽上郡唐之延州魏之東夏州也夏戶雅翻

五月丙辰魏禁天文學

以國子祭酒張充為尚書左僕射充緒之子也

張緒係之兄子

善談名理

馬仙琕圍胸山張稷權頓六里以督饋運上數

發兵助之

數所
角翻

秋魏盧昶上表請益兵六千米十萬石

魏主以兵四千給之冬十一月己亥魏主詔揚州刺史

李崇等治兵壽陽以分朐山之勢

治直
之翻

盧昶本儒生不

習軍旅朐山城中糧樵俱竭傳文驥以城降

降戶
江翻

十二

月庚辰昶引兵先遁諸軍相繼皆潰會大雪軍士凍死

及墮手足者三分之二仙琕追擊大破之二百里間僵

尸相屬魏兵免者什一二收其糧畜器械不可勝數

屬之

欲翻勝音升
梁帝紀梁紀曰斬馘十餘萬按盧昶表云此兵九千賊

考異曰魏帝紀盧昶敗在十一月今從

衆四萬求益兵六千魏主以四千給袒單騎而走棄其

之安得十餘萬衆益梁史為夸大耳

節傳儀衛俱盡

傳張應翻

至郟城借趙遐節以為軍威魏主

命黃門侍郎甄琛馳驛鎖袒窮其敗狀

甄之人翻琛丑林翻驛人質翻

也驛傳

及趙遐皆免官唯蕭寶寅全軍而歸盧袒之在胸

山也御史中尉游肇言於魏主曰胸山最爾僻在海濱

卑濕難居

兼祖外翻

於我非急於賊為利為利故必致死以

爭之非急故不得已而戰以不得已之衆擊必死之師

恐稽延歲月所費甚大假令得胸山徒致交爭終難全

守所謂無用之田也

左傳吳將伐齊子胥諫曰得志於齊猶獲石田也無所用之

聞

賊屢以宿豫求易胸山若必如此持此無用之地復彼

舊有之疆兵役時解其利為大魏主將從之會昶敗遷

肇侍中肇明根之子也

游明根事魏太武及孝文以耆宿見重

馬仙琕為

將能與士卒同勞逸所衣不過布帛所居無幃幕衾屏

飲食與廝養最下者同

將即亮翻衣於既翻廝息移翻養養馬者音余亮翻韋昭曰析

薪為廝炊
烹為養

其在邊境常單身潛入敵境伺知壁壘村落

險要處

伺相
吏翻

所攻戰多捷士卒亦樂為之用

樂音洛為
于偽翻

魏以甄琛為河南尹琛表曰國家居代患多盜竊世

祖發憤廣置主司里宰皆以下代令長及五等散男有

經畧者乃得為之

長知兩翻五等散男謂爵為五等男而居散官者魏書曰魏公侯伯子男

有開國有散凡散各降開國一品非以其居散官而謂之散男也散悉亶翻

又多置吏士為

其羽翼崇而重之始得禁止今遷都已來天下轉廣四

遠赴會事過代都五方雜沓寇盜公行里正職輕任碎

多是下材人懷苟且不能督察請取武官八品將軍已

下幹用貞濟者

貞濟謂堅貞而濟事也

以本官俸恤領里尉之任

高者領六部尉中者領經途尉下者領里正

魏官既給俸又給恤

親之祿故謂之俸恤魏分洛陽城中為六部置六部尉因張平子東京賦經途九軌置經途尉經途城中之大

途也其餘處各置里正

不爾請少高里尉之品

少詩

選下品中應

遷者進而為之督責有所輦轂可清

自漢以來京師謂之輦轂下

詔

曰里正可進至勳品

勳品勳官初品也

經途從九品六部尉正

九品

洛陽六部尉並置於東漢之時曹操為洛陽北部尉此其證也從才用翻

諸職中簡取

不必武人琛又奏以羽林為游軍於諸坊巷司察盜賊

於是洛城清靜後常踵焉是歲梁之境内有州二十

三此據五代史志按蕭子顯齊志齊有揚南徐豫兗南
兗北徐青冀江廣交越荆巴郢司雍梁秦益寧湘南

豫二十三州時已廢巴州郡三百五十縣千二十二是
當以王茂所立宛州足之

後州名浸多廢置離合不可勝記勝音魏朝亦然朝直

下同上敦睦九族優惜朝士有犯罪者皆屈法申之百

姓有罪則案之如法其緣坐則老幼不免一人逃亡舉

家質作質音致又如字質作民既窮窘姦宄益深嘗因

郊祀有秣陵老人江南以建康秣陵為赤縣隋廢秣陵
建康併為江寧縣窘渠隕翻宄音軌

遮車駕言曰陛下為法急於庶民緩於權貴非長久之

道誠能反是天下幸甚上於是思有以寬之

十一年春正月壬辰詔自今逋謫之家及罪應質作若

年有老小可停將送

所謂寬庶民者如此而已而不能繩權貴以法君子是以知梁政之

亂也

以臨川王宏為太尉驃騎將軍王茂為司空尚書

令

驃匹妙翻騎奇寄翻下同

丙辰魏以車騎大將軍尚書令高肇

為司徒清河王懌為司空廣平王懷進號驃騎大將軍

加儀同三司肇雖登三司猶自以去要任怏怏形於言

色

要任謂尚書令怏於兩翻

見者嗤之

嗤丑之翻

尚書右丞高綽國子博

士封軌素以方直自業

業事也。以方直為事，所謂彊及作之也。作之不已，乃成君子。

及

肇為司徒，綽送迎往來，軌竟不詣。肇、綽、顧不見軌，乃遽

歸，嘆曰：「吾平生自謂不失規矩，今日舉措不如封生遠

矣。」綽，允之孫，軌懿之族孫也。

高允事魏世祖以下四朝。封懿去燕歸魏，以疎慢見

黜。清河王懌有才學，聞望懋，彭城之禍。

謂彭城王勰無罪，見殺也。聞音

問。因侍宴，謂肇曰：「天子兄弟詎有幾人，而翦之幾盡？」

謂又

殺京兆王愉也。之幾居依翻。

昔王莽頭禿，籍渭陽之資，遂篡漢室。

事見

漢紀。今君身曲，亦恐終成亂階。會大旱，肇擅錄囚徒，欲以

收衆心懾言於魏主曰昔季氏旅於泰山孔子疾之

元朱

晦曰旅祭名也禮諸侯祭封內山川季氏祭之僭也

誠以君臣之分

分扶問翻

宜防微

杜漸不可瀆也減膳錄囚乃陛下之事今司徒行之豈

人臣之義乎明君失之於上姦臣竊之於下禍亂之基

於此在矣帝笑而不應夏四月魏詔尚書與羣司鞠理

獄訟令饑民就穀燕恒二州及六鎮

燕因肩翻恒戶登翻

乙酉

魏大赦改元延昌冬十月乙亥魏立皇子詡為太子

始不殺其母

為後胡后亂魏張本

以尚書右僕射郭祚領太子少

師祚嘗從魏主幸東宮懷黃瓠以奉太子

瓠扶田翻博雅白瓠瓜屬

此黃瓠又一種也

時應詔左右趙桃弓深為帝所信任祚私事

之時人謂之桃弓僕射黃瓠少師十一月乙未以吳

郡太守袁昂兼尚書右僕射初齊太子步兵校尉平

昌伏曼容表求制一代禮樂世祖詔選學士十人修五

禮

五禮吉凶軍賓嘉

丹楊尹王儉總之儉卒

卒子恤翻

以事付國子

祭酒何肩肩還東山

肩隱會稽東山

齊明帝敕尚書令徐孝嗣

掌之孝嗣誅率多散逸詔驃騎將軍何佟之掌之

佟徒冬翻

經齊末兵火僅有在者帝即位佟之啟審省置之宜

之啟

於上審禮局之宜省宜置也

敕使外詳

使外詳議以聞也

時尚書以為庶務

權輿

毛萇曰權輿始也此言王業創始也

宜俟隆平欲且省禮局併還尚

書儀曹詔曰禮壞樂缺實宜以時修定但頃之修撰不

得其人所以歷年不就有名無實此既經國所先可即

撰次

左傳曰禮經國家定社稷序人民為後嗣者也撰具也述也

於是尚書僕射沈

約等奏請五禮各置

舊學士十人共修五禮今請分五禮各置學士

舊學士一

人令自舉學古一人相助抄撰

抄楚交翻錄也

其中疑者依石

渠白虎故事請制旨斷決

石渠事見二十七卷漢宣帝甘露三年白虎事見四十六

卷章帝建初四年斷丁亂翻

乃以右軍記室明山賓等分掌五禮終

之總其事終之卒以鎮北諮議參軍伏暄代之暄曼容

之子也

暄古鄧翻

至是五禮成列上之合八千一十九條詔

有司遵行

己酉臨川王宏以公事左遷驃騎大將軍

是歲魏以桓叔興為南荊州刺史治安昌

漢南陽郡有安昌侯

國晉泰始中割南陽東鄙之安昌平林平氏義陽四縣置義陽郡治安昌城後義陽移治石城山上因梁希侵

逼徙治仁順城而安昌則俗謂之白茅城隸東荊州

十二年春正月辛卯上祀南郊大赦 二月辛酉以兼

尚書右僕射袁昂為右僕射 己卯魏高陽王雍進位

太保 鬱洲迫近魏境

近其新翻

其民多私與魏人交市胸

山之亂或陰與魏通胸山平心不自安青冀二州刺史

張稷不得志政令寬弛僚吏頗多侵漁庚辰鬱洲民徐

道角等夜襲州城殺稷送其首降魏

胸音幼降戶江翻考異曰魏帝紀

作郁州人徐玄明今從梁康絢傳又絢傳稷死在胸山叛之明年今從魏帝紀 按鬱洲即郁州 魏遣

前南充州刺史樊魯將兵赴之

將即亮翻

於是魏饑民餓死

者數萬侍中游肇諫以為胸山濱海卑濕難居鬱洲又

在海中得之尤為無用其地於賊要近

要謂海道之要近謂南近江淮

去此間遠

魏圖東南其用兵必於淮漢之間鬱洲介在海中又非兵衝故曰間遠

以間遠

之兵攻要近之衆不可敵也方今年饑民困唯宜安靜而復勞以軍旅費以饋運臣見其損未見其益魏主不

從復遣平西將軍奚康生將兵逆之

復扶又翻

未發北兖州

刺史康絢遣司馬霍奉伯討平之

梁北兖州當治淮陰絢許縣翻

辛

已新作太極殿

上嘗與侍中太子少傅建昌侯沈約

各疏策事約少上三事出謂人曰此公護前不則羞死

帝每集文學之士策經史事羣臣多引短推長帝乃悅故約退有是言護前者自護其所短不使人在已前忌

前者忌人在已前也約少詩治翻不讀曰否上聞之怒欲治其罪徐勉固諫

而止治直之翻上有憾於張稷以其怨望故憾之從容與約語及之

從千容翻約曰左僕射出作邊州謂為青冀二州刺史已往之事何足

復論復扶又翻上以約與稷昏家相為為于偽翻怒曰卿言如此

是忠臣邪乃輦歸內殿約懼不覺上起猶坐如初及還

未至牀而憑空頓於戶下踣而首先至地為頓因病夢齊和帝以

劍斷其舌

斷丁管翻

乃呼道士奏赤章於天稱禪代之事不

由已出上遣主書黃穆之視疾夕還增損不即啟聞懼

罪乃白赤章事上大怒中使譴責者數四

帝本信釋氏報應之說謂

天可欺也故因赤章之事而怒責約古人不肯移腹心之疾而竄諸肢肱雅異於是使疏吏翻約益懼

閏月乙丑卒

卒子恤翻

有司謚曰文上曰情懷不盡曰隱改

謚隱侯

夏五月壽陽久雨大水入城廬舍皆沒魏揚

州刺史李崇勒兵泊於城上水增未已乃乘船附於女

牆

城上短牆曰女牆所謂

牌也今人謂之女頭城不沒者二板將佐勸崇棄

壽陽保北山

壽陽北山即八公山

崇曰吾忝守藩岳德薄致災淮

南萬里繫于吾身一旦動足百姓瓦解揚州之地恐非

國物吾豈愛一身取愧王尊

漢王尊為東郡太守河水盛溢泛浸鉅子金隄老弱

奔走尊止宿隄上史民爭叩頭救止尊不肯去及水盛隄壞史民皆奔走唯一主簿泣在尊旁立不動而水波稍却回還吏民咸壯尊之勇節但憐此士民無辜同死可結筏隨高人

規自脫

規圖也筏音伐

吾必與此城俱沒幸諸君勿言揚州治

中裴絢帥城南民數千家汎舟南走避水高原

絢許縣翻帥讀

曰謂崇還北因自稱豫州刺史

自宋以來置豫州於壽陽絢乘水聚民自稱豫

州刺史以與別駕鄭祖起等送任子來請降馬仙琕遣

兵赴之崇聞絢叛未測虛實遣國侍郎韓方興單舸召

之崇爵陳留公故有國侍郎降絢聞崇在悵然驚恨報

曰比因大水顛獮為衆所推比毗今大計已爾勢不可

追恐民非公民吏非公吏願公早行無犯將士崇遣從

弟寧朔將軍神等將水軍討之將即亮翻絢戰敗神追

拔其營絢走為村民所執還至尉升湖曰吾何面見李

公乎乃投水死絢叔業之兄孫也裴叔業降魏見一百四十三卷齊東昏侯

之永元二年

鄭祖起等皆伏誅崇上表以水災求解州任魏

主不許崇沈深寬厚

沈持林翻

有方畧得士衆心在壽春十

年

天監六年魏主命李崇鎮壽春至是年財七年耳至十五年乃徵拜尚書左僕射適十年史終言之常

養壯士數千人寇來無不摧破鄰敵謂之卧虎上屢設

反間以疑之

間古覓翻

又授崇車騎大將軍開府儀同三司

萬戶郡公諸子皆為縣侯而魏主素知其忠篤委信不

疑 六月癸巳新作太廟 秋八月戊午以臨川王宏

為司空 魏恒肆二州地震山鳴

魏世祖真君七年置肆州領新興秀容鴈

門郡治九原恒戶登翻

踰年不已民覆壓死傷甚衆

是後破六韓拔陵等作亂

恒肆以北恚為盜區此其祥歟

魏主幸東宮以中書監崔光為太子

少傅命太子拜之光辭不敢當帝不許太子南面再拜
詹事王顯啟請從太子拜於是宮臣皆拜光北面立不
敢答唯西面拜謝而出

十三年春二月丁亥上耕藉田大赦宋齊藉田皆用正

月至是始用二月及致齋祀先農

漢儀正月始耕耕日以太牢祀先農臣瓚

注曰先農即神農炎帝也

魏東豫州刺史田益宗哀老與諸子孫

聚斂無厭

斂力贍翻
厭於鹽翻

部內苦之咸言欲叛魏主遣中書

舍人劉桃符慰勞益宗

勞力到翻

桃符還啟益宗侵擾之狀

魏主賜詔曰桃符聞卿息魯生在淮南貪暴

此淮南大梁謂淮水

之南為爾不已損卿誠効可令魯生赴闕當加任使魯生

久未至詔徙益宗為鎮東將軍濟州刺史又慮其不受

代遣後將軍李世哲與桃符帥眾襲之奄入廣陵

此新息之

廣陵也濟子禮翻帥讀曰率

魯生與其弟魯賢超秀皆犇闕南招引

梁兵攻取光城已南諸戍

宋文帝元嘉十五年以豫部靈民立光城等七縣明帝大

明中立光城左郡五代志弋陽郡光山縣舊置光城郡

上以魯生為北司州刺史

魯賢為北豫州刺史超秀為定州刺史

北司北豫因各人所統之地而

授以刺史魏收志定州治蒙籠城領弋陽汝陰安定新蔡北建寧郡皆蠻郡也水經注舉水出龜頭山西北流

逕蒙籠城南 三月魏李世哲擊魯生等破之復置郡戍

復扶又翻 以益宗還洛陽授征南將軍金紫光祿大夫益宗

上表稱為桃符所讒及言魯生等為桃符逼逐使叛乞

攝桃符與臣對辯虛實詔不許曰既經大宥

謂已宥其謀叛之罪

不容方更為獄 秋七月乙亥立皇子綸為邵陵王繹

為湘東王紀為武陵王 冬十月庚辰魏主遣驍騎將

軍馬義舒慰諭柔然

驍堅堯翻騎奇寄翻下同

魏王足之入寇也

事見一百四十六卷五年

上命寧州刺史涪人李略禦之

涪音浮

許事

平用為益州足退上不用略怨望有異謀上殺之其兄

子苗犇魏步兵校尉泰山淳于誕嘗為益州主簿自漢

中入魏二人共說魏主以取蜀之策

說式芮翻

魏主信之卒

亥以司徒高肇為大將軍平蜀大都督將步騎十五萬

寇益州命益州刺史傅豎眼出巴

巴巴北巴巴郡以北也西郡梁置北巴

州閬中縣梁置北巴郡
將即亮翻豎而庾翻

梁州刺史羊祉出涪城安西將

軍奚康生出綿竹撫軍將軍甄琛出劍閣

甄之人翻
琛丑林翻

乙

卯以中護軍元遙為征南將軍都督鎮遏梁楚

此梁楚
謂古梁

楚大界汴
汝之間也

游肇諫以為今頻年水旱百姓不宜勞役往

昔開拓皆因城主歸款故有征無戰

不因薛安都常珍
奇沈文秀魏不得

淮汝青徐不因裴叔業魏不得壽陽
游肇之言可謂深知當時疆事者

今之陳計者真偽

難分或有怨於彼不可全信蜀地險隘鎮戍無隙豈得

虛承浮說而動大軍舉不慎始悔將何及不從以淳于

誕為驍騎將軍假李苗龍驤將軍皆領鄉導統軍

以統軍鄉

導因以名官驍堅堯翻騎奇

魏降人王足陳計

王足來奔

見上卷六年

降戶江翻 求堰淮水以灌壽陽上以為然使水工陳

承伯材官將軍祖暄視地形

暄居鄧翻

咸謂淮內沙土漂輕

不堅實功不可就上弗聽發徐揚民率二十戶取五丁

以築之假太子右衛率康絢都督淮上諸軍事并護堰

作於鍾離

康絢護堰作而置司於鍾離率所律翻絢許縣翻

役人及戰士合二

十萬南起浮山北抵巉石

水經注淮水自鍾離縣又東逕浮山山北對巉石山巉助

街翻杜佑曰浮山堰在濠州城西一百一十二里

依岸築土合脊於中流 魏

以前定州刺史楊津為華州刺史

華戶化翻

津椿之弟也先

是官受調絹尺度特長任事因緣共相進退

先悉薦翻調徒弔翻

下同任事謂任受絹之事者也任音壬因緣謂因緣為姦進退謂有賂者則進而為長無賂者則退而為短

百姓苦之津令悉依公尺其輸物尤善者賜以杯酒所

輸少劣亦為受之

少詩沼翻為于偽翻

但無酒以示恥於是人競

相勸官調更勝舊日

魏太子尚幼每出入東宮左右

乳母而已官臣皆不知之

詹事楊昱上言乞自今名

太子必降手敕令臣等翼從

從才用翻

魏主從之命官臣在

直者從至萬歲門

萬歲門蓋洛陽宮城之東門

魏御史中尉王顯

問治書侍御史陽固曰

治直之翻

吾作太府卿府庫充實卿

以為何如固曰公收百官之祿四分之一州郡贓贖悉

輸京師以此充府未足為多且有聚斂之臣寧有盜臣

記大學之言
斂力贍翻

可不戒哉顯不悅因事奏免固官

資治通鑑卷一百四十七